

*MASTER
NEGATIVE
NO. 92-81044-5*

MICROFILMED 1993

COLUMBIA UNIVERSITY LIBRARIES/NEW YORK

as part of the
"Foundations of Western Civilization Preservation Project"

Funded by the
NATIONAL ENDOWMENT FOR THE HUMANITIES

Reproductions may not be made without permission from
Columbia University Library

COPYRIGHT STATEMENT

The copyright law of the United States - Title 17, United States Code - concerns the making of photocopies or other reproductions of copyrighted material.

Under certain conditions specified in the law, libraries and archives are authorized to furnish a photocopy or other reproduction. One of these specified conditions is that the photocopy or other reproduction is not to be "used for any purpose other than private study, scholarship, or research." If a user makes a request for, or later uses, a photocopy or reproduction for purposes in excess of "fair use," that user may be liable for copyright infringement.

This institution reserves the right to refuse to accept a copy order if, in its judgement, fulfillment of the order would involve violation of the copyright law.

AUTHOR:

WELZEL, PAUL

TITLE:

DE IOVE ET PANE

PLACE:

VRATISLAVIAE

DATE:

Master Negative #

92-81044-5

COLUMBIA UNIVERSITY LIBRARIES
PRESERVATION DEPARTMENT

BIBLIOGRAPHIC MICROFORM TARGET

Original Material as Filmed - Existing Bibliographic Record

BKS/SAVE Books FUL/BIB NYCG91-B56157 Acquisitions NYCG-PT
FIN ID NYCG91-B56157 - Record 1 of 1 - Record updated today
+
ID:NYCG91-B56157 RIYP:a Sf:p FRN: MS: EL: AD:06-05-91
CC:9668 BLI:am DCF:? CSC:? MOD: SNR: AIC: UD:06-18-92
CP:cs L:lat INT:? GPC:? BIO:? FIC:? CON:???
PC:n PD: / REP:? CPI:? FSI:? ILC:???? 11:?
MMD: OR: POL: DM: RR: COL: EML: GEN: BSE:
040 NNC†cNNC
100 1 Welzel, Paul.
245 10 De love et Pane dis Arcadicis†h[microform].†bDissertatio inauguralis p
hilologica quam...†cpublice defendet Paulus Welzel.
260 Vratislaviae.†bTypis Roberti Nischkowskv.
300 38 p.
LDG ORIG
QD 06-18-92

Restrictions on Use:

TECHNICAL MICROFORM DATA

FILM SIZE: 35


REDUCTION RATIO: 1/x

IMAGE PLACEMENT: IA (IIA) IB IIB

DATE FILMED: 3-12-93

INITIALS Susan

FILMED BY: RESEARCH PUBLICATIONS, INC WOODBRIDGE, CT




AIIM


Association for Information and Image Management

1100 Wayne Avenue, Suite 1100
Silver Spring, Maryland 20910



301/587-8202




Centimeter




Inches



MANUFACTURED TO AIIM STANDARDS
BY APPLIED IMAGE, INC.





885

Z8
A

Columbia University
in the City of New York
LIBRARY



DE IOVE ET PANE DIS ARCADICIS.

DISSERTATIO
INAUGURALIS PHILOLOGICA

QUAM SCRIPSIT

ET

AMPLISSIMI PHILOSOPHORUM ORDINIS

CONSENSU ET AUCTORITATE

IN

ALMA LITTERARUM UNIVERSITATE VIADRINA

AD SUMMOS

IN PHILOSOPHIA HONORES

RITE CAPESSENDOS

DIE XXIII. M. AUGUSTI A. MDCCCLXXVIII. HORA XII.

IN AULA LEOPOLDINA

PUBLICICE DEFENDET

PAULUS WELZEL

SILESIUS.

ADVERSARIJ ERUNT:

PAULUS RENISCH, DR. PHIL., GYM. LIGNIC. COLLEGA.

BERTHOLDUS SPECK, DR. PHIL., GYM. BUNZLAV. COLL.

ALFREDUS BAEHNISCH, CAND. PHIL.

GEORGIUS WISSOWA, STUD. PHIL.

VRATISLAVIAE,

TYPIS ROBERTI NISCHKOWSKY.

CAROLO NEUMANN

SACRUM

Quaestionem de sacris Arcadicis instituentem rem difficilem me suscepisse non ignoro.

Nam cum valde adhuc dissentiant viri docti, quae via et ratio in rebus mythicis investigandis sit adhibenda, tiro, qui ex studiis in hac arte collocatis fructum aliquem sese capturum sperat, nimia videtur praeditus esse audacia. Attamen — quamvis „tremante pede et vacillante animo“ — ad propositum accessimus neque operam, ut aiunt, et oleum nobis videmur perdidisse in opusculo conscribendo, quoniam id maxime studuimus, ut commenticiis opinionibus considerate vitatis certa tantummodo ac solida amplecteremur.

Iam constat inter viros doctos singulas Graccorum gentes suos deorum cultus religionesque etiamtum retinuisse, cum peregrinatae sive inter populos eiusdem originis sive inter barbaros consedissent. Eisdem igitur coloni deos venerabantur, quos in patria urbe adoraverant. Itaque ex religione et sacris institutionibus unde gens aliqua originem habuerit coniecturam facere licet¹⁾. Quam sententiam iam protulit Iamblichus, qui ex sacris Samiorum cognosci potuisse docet unde diversae eorum gentes originem duxissent²⁾.

¹⁾ Ern. Curtius „griech. Geschichte“ tom. I. p. 43 (ed. IV.): „Was hat ein Volk Eigenthümlicheres, als seine Götter?“ — Ibidem p. 53: „Die Geschichte der Götter ist die Vorgeschichte des Volkes und zugleich des Landes.“ — cf. F. G. Welcker „griech. Götterlehre“ tom. I. p. 16: „Die Einerleiheit des Cultus ist daher für die früheren Zeiten das sicherste Zeichen gemeinsamer Abkunft.“ —

²⁾ Iamblichi de vita Pythagorica liber ep. II. „... Τοῦ δὲ τὰς ἀποικίας ἐκ τῶν τόπων τῶν προειρημένων συνελθεῖν σημειῶν ἔστιν οὐ μόνον αἱ τῶν θεῶν τιμαὶ καὶ θυσίαι, διότι μεταγμέναι τυγχάνουσιν ἐκ τῶν τόπων, ὅθεν τὰ πλήθη τῶν ἀνδρῶν συνήλθεν· ἀλλὰ καὶ ...“

Quae cum ita sint, etiam in Arcadia diversas exstitisse gentes iure dici potest, cum tot cultus diversi ibi inveniantur, qui et inter se et a finitimarum gentium sacris mirum quantum differant et insuper summa vetustate insignes sint. Quod quidem Ernestus Curtius V. C. intellexit, qui inveteratam illam opinionem per totam Arcadiam antiquitus Pelasgos habitavisse reicere ausus est non cum eo, qui par erat, consensu¹⁾).

Itaque, ut ad diiudicandam eam quaestionem aliquid conferam, in examinandis Arcadum diis studium meum collocavi et hae mea dissertatione de Iove Arcadico et, quem ex eius natura profectum esse puto Panem, agere constitui, in reliquos Arcadiae deos, Minervam Aleam, Dianam, Cererem, Neptunum, ceteros, alia occasione inquisiturus. —

¹⁾ E. Curt. „Peloponnesos“ tom. I. p. 159 sqq. Pag. 160 haec legimus: „Auf diesen Gegensatz einer älteren und jüngeren Bevölkerung Arkadiens, welchen wir in den Stammtafeln seiner Urkönige durchschimmern sehen, leiten uns auch andere Spuren.“ ... —

Adstipulatur Curtio Ioan. Julius Schubring in dissert. „de Cypselo“ (Gottingae 1862) p. 17 sqq. —

Curtio obloquuntur L. Schillerus „Stämme und Staaten Griechenlands“ part. I. (progr. gym. Erlang. 1855) p. 14 sqq. et Bursian in geogr. Graec. tom. II. p. 188. — [Ceterum cf. E. Curt. „griech. Gesch.“ I⁴ p. 631 nota 12.] —

Etiam A. Bertrand „de fabulis Arcadiae antiquissimis“ (Parisiis 1859) rem eandem tractavit, sed non ea, qua debuit, cura ac diligentia. — Diversas et ille quidem in Arcadia gentes statuit. cf. p. 44. 54. 56.

De Iove Arcadico.

In montis Lycaci summo vertice, unde magna Peloponnesi pars conspiciebatur¹⁾, ante aram Iovis Lycaci terrenam orientem versus duae exstructae erant columnae, aquilis olim inauratis ornatae, qua in ara Iovi arcana sacra fiebant. Neque igitur in templo, ut postea Graeci solebant, Arcades deo Lycaco sacra instituerant nec simulacrum eius constitutum habebant, sed duabus illis columnis locum esse Iovi sacrum indicaverunt. Quoniam autem constat cultum deorum templis et imaginibus carentem omnium esse antiquissimum, quam antiqua ibi fuerit Iovis religio satis illa re indicatur. Praeterea etiam fabulis, quae ferebantur, et sacris caerimoniis, quae agebantur, idem probatur.

Pausanias enim Periegeta, antequam ipse illas regiones visit, haec comperta habuit²⁾: Lycæon, Pelasgi filius, Iovem cognomine Lycæum appellavit eique sacra et certamina instituit, quae celeberrima erant totius Arcadiae. Hostiae autem loco Iovi Lycæo infantem mactavit, cuius sanguine dei aram conspersit; sed in ipso sacrificio lupus ex homine factus est. Quo ex tempore etiam postea in unoquoque Iovis Lycaci sacrificio aliquem hominem in lupum converti narraverunt³⁾, non in totam quidem vitam, sed in novem tantum annos; decimo demum anno rursus humanam figuram cum induere putabant, si interea ab humana carne se abstinuisset; sin minus, semper lupum manere.

Quam quidem fabulam Periegeta hilari et simplici animo tradidit et, qua est in sacris narrationibus credulitate, persuasum

¹⁾ Pausan. VIII. 38, 7 (Schubart). Pindar Olymp. XIII. v. 108: „Λυκαίων βωμὸς ἀναξ.“ — cf. Curtius Pelop. I. 302. — Bursian „Geographie v. Griechenl.“ II. p. 236. — Guil. Lang „Peloponnesische Wanderung“ (Berolini 1878) p. 150.

²⁾ VIII. 2, 1—3.

³⁾ Pausan. VIII. 2, 6. — cf. Polybius VII. 13, 7: „λύκος ἐξ ἀνθρώπου κατὰ τὸν Ἀρκαδικὸν μῦθον.“

sibi esse adiecit Lycaonem, ut poenas daret, a Iove in lupum esse conversum. Atque quo magis appareret, quantum scelus Lycaon commisisset, cum cum Cecrope, quem Lycaonis aequalem arbitratus est, Pausanias comparat praedicans hunc in rebus divinis maiore sapientia usum esse, cum vetaret, ne quid Iovi Summo mactaretur animatum¹⁾. Semper vero in Iovis Lycaci sacrificio aliquem in lupum mutari fabulam esse confictam ab iis, qui mythis delectarentur.

Sed qui hunc locum cum altero, quo iterum de illo sacrificio sermo est²⁾, comparaverit, cum vix effugiet auctorem posteriore loco cum religiosa quadam verecundia ac timore, ne dicam horrore, quae audivit, nos celare. Iis enim rebus, quas in ipso loco comperit, adeo obstupefactus atque attonitus videtur esse, ut, quamvis talium sacrorum sit adversarius, tacere malit, quam contra fas aliquid prodere. Quapropter haec tantum: „ἐπὶ τούτου, inquit, τοῦ βωμοῦ τῷ Λυκαίῳ Διὶ θύουσιν ἐν ἀπορρήτῳ· πολυπραγμονῆσαι δὲ οὐμοὶ τὰ ἐς τὴν θυσίαν ἰδὼν ἦν, ἐχέτω δὲ ὡς ἔχει καὶ ὡς ἔσχευεν ἐξ ἀρχῆς.“

Quae autem Pausanias cum religione tum indignatione commotus nos celavit, de iis alii scriptores certiores nos faciunt. Plato enim memoriae prodidit barbaram consuetudinem hominum immolandorum in monte Lycaeo servatam esse. In Platonis, qui vulgo fertur, dialogo Min. p. 315 C. codices quidem manuscripti tradunt: „οἱ ἐν τῇ Λυκαίᾳ οὗτοι καὶ οἱ τοῦ Ἀθάμαντος ἔχγονοι οἷας θυσίας θύουσιν Ἕλληνες ὄντες.“³⁾ Sed Boeckhius illud „ἐν τῇ Λυκαίᾳ“ in „ἐν τῇ Λυκαίᾳ“ (scil. γῆ) et Welckerus⁴⁾ probante E. Curtio⁵⁾ in „ἐν τῷ Λυκαίῳ“ correxit. Altero vero loco⁶⁾, de quo dubitari nequit, Plato ipso haec commemorat: „ὁ γευσάμενος τοῦ ἀνθρωπίνου σπλάγχνου, ἐν ἄλλοις ἄλλων ἱερείων ἐνδὲς ἐγκατατετραμένον ἀνάγκη δὴ τούτῳ λύκῳ γενέσθαι.“ Quae quidem optime cum Pausania conveniunt, nisi quod hic non cum, qui exta gustavisset, sed aliquem ex sacrificantibus in lupum conversum esse dicit.

1) Paus. VIII. 2, 3. 2) Paus. VIII. 38, 7.

3) De sacrificiis humanis ibi sermonem esse e praecedentibus apparet. — Praeterea cf. Boeckhii comment. in Min. p. 33 sqq. et 56.

4) Opuscula tom. III. p. 162 not. 9.

5) Peloponn. I. p. 339 not. 14.

6) Plat. de republ. lib. VIII. p. 565 D. — cf. eiusd. de legib. I. VI. p. 782 C.: „τὸ δὲ μὴν θύειν ἀνθρώπους ἀλλήλους, ἔτι καὶ νῦν παραμένειν ὁρώμεν πολλοίς.“

Barbarum autem istum morem, de quo Plato verba fecit, a Pausaniae temporibus non alienum fuisse Porphyrii testimonio probatur, qui vel sua aetate Lycaco deo homines mactatos esse prodidit¹⁾. Itaque hoc antiqui tradunt Iovi Lycaco die statuto hominem vel infantem immolatum esse; cuius exta qui in illo sacrificio gustavisset cum in lupum conversum esse, vel, ut Plinii²⁾ verbis utar, „abire in deserta transfigurarique in lupum et cum ceteris eiusdem generis congregari per annos VIII“ necesse fuisse.

Ea autem sacra consuetudo quin vetustissimis temporibus adscribenda sit nemini erit dubium³⁾; neque minus certum est summi momenti ad veterum Arcadam religionem recte intellegendam eas esse fabulas, quippe quibus, quamvis sint deformatae, doceamur, quae fuerit dirae illius religionis origo, vel quod fuerit vetus „δόγμα“, ut verbo utar, ex quo tamquam ex radice superstitiones illae et caerimoniae fluxerint.

Eundem mythum ex auctoribus Pausania vetustioribus Apollodorus prodidit hac fere ratione⁴⁾: Iuppiter humana figura et specie indutus ad Lycaonem eiusque quinquaginta filios venit, ut ipse nequitiam eorum et superbiam cognosceret; qui Iovi in epulas adhibito pueri⁵⁾ exta carni hostiarum immixta vescenda

1) Porphyr. de abstinentia II. 27 (ed. Hercher): „... μέγρι τοῦ νῦν οὐκ ἐν Ἀρκαδίᾳ μόνον τοῖς Λυκαίοις οὐδ' ἐν Καρχηδόνι τῷ Κρόνῳ κοινῇ πάντες ἀνθρωποθύτουσαν“ — Quem quidem locum laudavit Eusebius Pamphili — praepar. evangel. lib. III. ep. 16. — cf. R. Suchier „de victimis humanis apud Graecos“ part. I. (dissert. inaug. Hanoviae 1848) p. 16. et Ios. Beekers „de hostiis humanis ap. Graec.“ (dissertat. inaugur. Monasterii 1867) p. 38 sqq. — Cum Iosepho Beekers (p. 39), causam satis idoneam, qua commoti locum quem laudavi Porphyrii ex Theophrasto desumptum esse statuamus, non video. (cf. Welcker „griech. Götterl.“ I. p. 211 et E. Curtius Pelop. I. p. 399 not. 14.) — Praeterea de ea re cf. G. F. Schoemann „Griech. Alterthümer“ II. p. 252 et 507 (ed. III.) et K. Fr. Hermann „gottesdienstl. Alterth.“ ed. II. p. 159 not. 5 et 6.

2) Plin. nat. hist. VIII. 22, 81 ed. L. Jan. — S. Augustini de civitate dei lib. XVIII. ep. 17 (ed. Dombart tom. II. p. 276 sq.).

3) Cf. Marmor Parium (Boeckh C. I. G. n. 2374). Linea 30 et 31 haec legimus: „... βασιλεύοντος Ἀθηναίων Πανδίωνος τοῦ Κίρκου. ἀφ' οὗ [ἐ]ν Ἐλευσίῃ ὁ γυμνικός ἀγὼν ἐτέθη καὶ θ[ύ]ν[σ]ιαι βρέφους ἀνθρώπου καὶ τὰ Ἀνκαιοὶ ἐν Ἀρκαδίᾳ ἐγένετο καὶ [αὐ]τ[ὸ] καὶ [η]ρ[ο]ύξ[ε]ις τοῦ Ἀνκείωνος ἐδόθησαν...“ De Boeckhii supplemento cf. Müllerum in fragm. historic. Graec. tom. I. p. 566.

Praeterea cf. C. O. Mülleri prolegg. p. 231 et Suchier l. I. p. 16.

4) Apollod. biblioth. III. 8, 1.

5) „ἕνα τῶν ἐπιχωρίων παῖδα σφάζαντες.“

proposuerunt. Deus autem iratus mensa eversa Lyeaonem filiosque fulminis ictu interfecit; uni Nyctimo, nati minimo, precibus Telluris commotus pepercit¹⁾).

Quod si cum Pausaniae testimonio comparaveris, Apollodorum missis minutiis summa in re cum Periegeta congruere reperies. Uterque enim Lyeaonem Iovi puerum mactavisse et eius flagitii poenas dedisse refert.

Tertium afferam testem Nicolaum Damascenum, qui fabulam eandem laudat, sed in recentiore et humaniorem formam redactam²⁾. Fragmentum hoc est: „Λυκάων ὁ Πελασγοῦ υἱός, βασιλεὺς Ἀρχαίων, ἐφύλαττε τὰ τοῦ πατρὸς εἰρηγήματα ἐν δικαιοσύνη. ἀποστῆραι δὲ βουλόμενος καὶ αὐτὸς τῆς ἀδικίας τοὺς ἀρχομένους ἔφη τὸν Δία ἐκάστοτε φοιτᾶν παρ' αὐτόν, ἀνδρὶ ξένῳ ὁμοιούμενον εἰς ἔποψιν τῶν δικαίων τε καὶ ἀδίκων. καὶ ποῦ', ὡς αὐτὸς ἔφη, μέλλων ὑποδέχεσθαι τὸν θεόν, θυσίαν ἐπιτελεῖν. τῶν δὲ υἱῶν αὐτοῦ πεντήκοντα, ὡς φασιν, ὄντων ἐκ πολλῶν γυναικῶν, βουλόμενοι γινῶναι τινες οἱ τῇ θυσίᾳ παρόντες, εἰ τῷ ὄντι θεὸν μέλλουσι ξενόδοχεῖν, θύσαντές τινα παῖδα, ἐγκατέμειναν τοῖς τοῦ ἱερείου κρέασιν, ὡς οὐ λήσαντες εἴπερ ὄντως θεὸς ἔπεισιν. ὑπὸ δὲ τοῦ δαιμονίου χειμῶνων μεγάλων καὶ κεραυνῶν βράγντων, πασι τοὺς αὐτόχειρας ἅπαντας τοῦ παιδὸς ἀπολέσθαι.“

Itaque Nicolao auctore non Lyeaon ipse scelus impium commisit, sed nonnulli eius filii pueri necati viscera carni hostiarum immiscuerunt, ut periclitarentur, num recte Lyeaon deum adesse praedicavisset, qui hominum facinora spectaret; neque vero ab epulante Iove, sed „ὑπὸ τοῦ δαιμονίου“ tempestatibus et fulguri- bus interempti sunt.

Practer eos rem tetigerunt Ovidius³⁾ et Hyginus⁴⁾, qui Apollodoro sua, tantum non omnia, debere videntur, quandoquidem

¹⁾ Cf. Tzetz. Lycopl. r. 481: „καὶ τὴν Ἀρχαδίαν συνεχῶς ἐκεραύνωσεν, ἕως ἢ Γῆ ἀνασχούσα τὰς χεῖρας καὶ τῆς δεξιᾶς τοῦ Διὸς ἐφραμμένη τὴν ὀργὴν κατέπαυσε.“ Cuius quidem loci posteriorem partem (inde a „ἢ γῆ cet.“) ex Apollodoro ad verbum mutuatus est. —

²⁾ Fragm. 43. in Mülleri fragm. hist. Gr. vol. III. p. 378. — Pausanias, quamquam ex iis quos laudavi testibus minimus est aetate, tamen ex parte quidem ceteris antiquiorem fabulae formam servavit. cf. infra pag. 13 not. 4.

³⁾ Metamorph. lib. I. v. 216—239.

⁴⁾ Hygin. fab. 176. cf. eiusd. poet. astron. lib. II. v. 4.

haec una re ab illo differunt, quod Lyeaonem non interfectum sed in lupum mutatum esse scripserunt¹⁾).

Plane igitur perspicuum est in omnibus iis narrationibus, quamvis fabulam paululum immutent, semper id esse summum, propter puerum immolatum deum nefarium homicidam vel nefarios homicidas poena affecisse.

Ea, quae exposui, veteres scriptores de sacro Lyeaco tradiderunt. Iam vero, ut mythum illum recte intellegamus, videndum est, quae fuerit natura Iovis Lyeaci, quem hominis sacrificio placare studebant.

Atque Iovem Λυκαῖον deum esse luminis caelestis, qualis fuit Romanorum Lucretius, Diespiter (i. e. „dici ac lucis pater“) eiusque cognomen derivandum esse a radice ΛΥΚ iam inter viros doctos convenit²⁾. Quae quidem opinio ipsa fabula fulcitur, quam Pausanias de dei fano audivisse se tradit: in monte enim Lyeaco lucum esse Iovi consecratum, quem adire hominibus nefas esset; quod si quis neglexisset, ei intra anni spatium moriendum esse; sin autem fortuito sive homo sanctae legis inscius, sive animal fines transiisset, umbram inde non cadere; quapropter venatores bestias in lucum ingressas sequi non audere neque unquam extra fines remanentes umbram bestiae Iovis „ἄβατον“ percurrentis vidisse³⁾.

Fabula sane mirabilis, qualis etiam Pausaniae visa est, qui notum quidem esse adiecit in Libya tempore aequinoctiali⁴⁾, cum

¹⁾ Fabulae Lyeaonis praeterea mentionem fecerunt Eratosthenes *καταστερισμ.* 8, Schol. ad Stat. Theb. 8, Arnob. adv. gent. IV. c. 24. — Nicolaum Damascenum ad verbum exscripsit Suidas (s. v.). —

²⁾ Cf. G. Weleker „griech. Götterlehre“ tom. I. p. 210. — K. O. Müller prolegg. p. 290 sq.: „Dass Ζεὺς Λυκαῖος vom Licht seinen Namen habe, kann man nicht bezweifeln; aber das eigentliche Stammwort ist nur im Lateinischen lux, obgleich im Griechischen λευκός, λυχνος u. a. Worte davon herkommen.“ — cf. eiusdem auctoris „Dorier“ I¹ p. 304. — O. Mülleri sententiam sequuntur Schwenck „Mythologie der Griechen“ p. 19, Preller in Pauly encycl. real. tom. III. p. 589 s. v. Iuppiter. — I. F. Lauer „System der Mythologie“ p. 182 sqq. — H. D. Müller „über den Zeus Lykaeos“ in programme gymnasii Göttingensis a. 1851 p. 12 sqq. — I. Overbeck „Beiträge zur Erkenntnis und Kritik der Zeusreligion“ in actis societatis litter. Saxon. tom. III. No. 1. (Lipsiae 1861) p. 39. —

³⁾ Pausan. VIII. 38, 6.

⁴⁾ „ἡρόνον μὲν δὴ τὸν ἴσον.“ — Immo tempore solstitiali.

sol in Canerum intrasset, neque arbores neque animalia umbram facere; in Iovis autem Lycaei fano omnes res per totum annum umbra carere. —

Ea igitur superstitione, cuius etiam alii mentionem fecerunt¹⁾, Odofredi Mülleri sententiam satis probari puto, qui in illo fano lumen inesse Arcades credidisse primus coniecit²⁾. Quae cum ita sint, dubitari non poterit, quin Ζεὺς Λυκαῖος pro deo lucis caelestis habendus sit.

Sed in ea interpretatione non acquiescendum esse Schweneckius³⁾ intellexit Lycaeum illum esse deum ratns, qui ardentissimis aestivi solis radiis plantas herbasque torreret atque exureret atque ita infestum se praerberet. Haec autem ipsa de causa, quod Iuppiter Lycaeus deus est perniciosus, lupusque in eius religione locum habet (quod animal in Germanorum quidem fabulis tenebrarum quasi insigne est), H. D. Müllerus Iovem Lycaeum non caelestem sed inferum deum esse arbitratus est⁴⁾. Quod

¹⁾ Theopomp. ap. Polyb. XVI. 12. 7. „...ὁ πεποιήμε Θεόπομπος, φήσας τοὺς εἰς τὸ τοῦ Διὸς ἄλσος ἐμβάντας κατ' Ἀρκαδίαν ἀσπίους γενέσθαι.“ — Plutarch. quaest. Graec. ep. 39. — Callimach. hymn. in Iovem v. 13 et schol. ad eum loc. „...καὶ οὐκ ἂν τὸ σῶμα αὐτοῦ (scil. πατρὸς ζῶον εἰσιόντος) οὐδέ τι ἐποίη.“ — Num. C. Müllerus (fragm. histor. Graec. vol. I. p. 324, fragm. 272) etiam Pausaniae locum: „τὸ δὲ ὄρος ... usque ad οὐδεμίαν ἀπ' αὐτοῦ θεῶται οὐκ ἔστιν“ (VIII. 38, 6) ex Theopompo desumptum esse recte opinatus sit, mihi quidem maxime dubium videtur. Argumentum enim Müllerus non attulit, neque verba Theopompi, quae Polybius laudavit, opinioni eius favere arbitror. Immo quae apud Pausaniam illum locum sequuntur, iis verisimile est Periegetam fabulam ex incolarum narrationibus compertam litteris mandavisse.

²⁾ „Dorier“ II p. 306. „Man sieht, dass man das Licht dem Abaton inwohnend glaubte.“ cf. Lauer „Syst. der Myth.“ p. 181: „Λυκαῖος heisst dieser Berg vom Lichte und Glanze, so wie Ζεὺς selbst.“ ... „In dem Letzteren (scil. ingressos in Iovis „ἄβατον“ umbra carere) zeigt sich die Einwirkung des Lichtgottes.“ — H. D. Müller l. l. p. 12. — Welcker V. C. aliam saepe protulit opinionem (opuseula tom. III. p. 161), cum, qui in fauonem consulto intravisset, capitis damnatum esse; atque id Arcades leniore verbo significavisse: ingressum hominem umbram non habere. — Sed suo iure, puto, Overbeckius l. l. p. 39 id reiecit.

³⁾ Schweneck Mythologie der Griechen p. 19.

⁴⁾ H. D. Müller (progr. Gott.) p. 22: „... so sehen wir uns demnach genöthigt (!), in dem Zeus Lykaeos ein chthonisches Wesen zu erkennen ...“ Videre licet, quam invitus Müllerus id coniecerit. Neque mirum; nam in argumentis, quibus nititur, nullam persuadendi vim inesse ipse videtur sensit.

equidem prorsus improbo mihi persuasum est cum Iovis Lycaei naturam pestiferam tum lupum, qui in illa superstitione tanti est momenti, optime intellegi posse, si deum esse cum luminis caelestis statuamus. Itaque, quae sit mea sententia, nunc proferam.

Omnibus enim et veterum auctorum locis et virorum doctorum opinionibus diligenter perpensis Iovem Lycaeum lucis quidem deum esse arbitror, sed duplici natura praeditum.

Iuppiter enim, deus caelestis et auctor luminis, tempore vernali solis calore et mitibus radiis herbas et gramina procreat arboresque nova fronde ornat. Itaque elementem se et benignum patrem praestat, ut merito ei cognomen Lycaco, i. e. fonti luminis vel „diei ac lucis patri“ tribuatur. Sed idem deus tempore aestivo, cum ferventes solis radii fontes rivosque exsiccant, plantas exurunt, arbores arefaciunt, ea, quae antea progenuit, ipse videtur delere et tamquam devorare; quapropter pastor, qui in pascuis et saltibus pabulum gregibus quaerens non invenit, funestam illam naturae vim cum voraci lupo haud inepte comparat. Accedit quod prata et arva et Italiae et Graeciae calore aestivo canescunt, nonnunquam fere infuscantur¹⁾, ita ut eadem sint canitie vel eodem fulvo colore ac pellis lupina. Praeterea cum candentes solis radii paludibus stagnisque, quae in Arcadia creberrima sunt,

Lupus enim non est insigne orei (cf. Lauer l. l. p. 182: „Ihre [scil. luporum] Verbindung mit Zeus sowohl als mit Apollon zeigt, dass sie in irgend einer Rücksicht in Bezug auf Licht und Helle müssen gesetzt worden sein.“ — O. Müller „Dorier“ I. 305 sq.), Ζεὺς Λυκαῖος omnino non cum Iove χθονίῳ confundendus est. — Welcker („gr. Götterl.“ I. p. 65) de lupo, Iovis insigni, ipse secum dissentiens haec protulit: „... Es ist also der Wolf wohl (!) ein Symbol eines dem Licht feindlichen Wesens, des Winters, der Stürme, der Finsterniss; aber indem sich der Lichtgott in Ares und Sabazios, Lykios und Dionysos spaltet, hört er nicht auf, auch Symbol des Lichts zu sein, der verzehrenden Sonne.“ — Itaque ex Welckeri sententia lupus simul esset signum tenebrarum, simul lucis! — Rectissime contra Overbeckius „Zeusrel.“ p. 51: „Dem Himmelsgott, dem Aethergott, so scheint mir, galt der Cult auf den in den Himmel ragenden, gleichsam den Himmel stützenden Bergen, auf deren Gipfel sich deshalb auch der Himmelszeus niederlässt.“ —

¹⁾ Overbeck l. l. p. 98: „...des Sonnenbrandes, den jeder zu würdigen wissen wird, der z. B. die sommerliche oder nachsommerliche Campagna di Roma kennt.“ ...

quasi incubant, febres letiferae morbiq; perniciosissimi oriuntur, qui in homines videntur saevire, sienti lupo in greges. Itaque deus, qui vere benignum se praestiterat, aestate mutatus esse dicitur in lupo; cuius rei cognomen Lycæi ipsum, cum vera huius verbi notio (deus lucis¹) brevi iam non intellexeretur, commodissimam ansam praebuit et tum factum est, ut Lycæum cognomen nisi perniciosae dei naturae non tribueretur¹).

Idem igitur numen duplicem naturam prae se fert, et procreantem et delentem, quarum posterior signo lupi i. e. λύκου vel Λυκάονος intellegitur. Quae quidem recte me opinatum esse argumento est Pausaniae locus²), quem unus, ni fallor, Ernestus Curtius³) non neglexit. Docemur scilicet ante Iovis aram orientem versus duas fuisse columnas cum aquilis olim inauratis.

Utramque igitur columnam insigne fuisse Iovis aquila imposita satis demonstratur; atque alteram quidem Iovis, dei benigni ac elementis⁴), alteram Iovis Lycæi, dei terribilis ac noxii fuisse existimo⁵).

Neque fortuito ibi duas columnas fuisse, neque falso id Pausaniam narravisse alter ipsius Pausaniae locus argumento est⁶),

¹) Odofredus Müllerus (Dorier¹ I. p. 305 sq.) propensus esse videtur, qui etymologiam illam statuat vocem „λύκων“ ad eandem radicem ATK spectare ac latinam „lucis.“ Quod quidem cum acerbitate quadam rejicit Ulrichs, Reisen und Forschungen in Grichenl. p. 68 not. 29. — G. Curtius v. d. (Grundzüge der griech. Etymologie² ed. II. p. 147 sq. cf. p. 665) vocem „λύκο—s“ e radice ATK (= „lux“) derivare dubitavit. — Vox enim sanscritica pro „λύκος“ est vrkas, cuius formam nativam cum Schleicheri consentiens statuit „varka—s“, ex qua per metathesin fieret „vraka—s, vlaka—s, vluko—s, Flύκο—s. λύκο—s.“ —

Fortasse autem simili modo ex eadem radice „vark“ per vrak, vrak, vrak', vox sanscritica ruk' = splendor, et ruk', rōk'e = lucco derivari potest. —

²) VIII. 38, 7: „... πρὸ δὲ τοῦ βωμοῦ κίοντες δύο ὡς ἐπὶ ἀνίσχοντα ἐστῆσαν ἥλιον, ἀέροι δὲ ἐν αὐτοῖς ἐπὶ ἡρώσει τάγε παλαιότιστα ἐπεποιήντο.“ —

³) E. Curt. „Einige Bemerkungen über arkadische Münzen“ in Pinderi et Friedlaenderi: „Beiträge zur älteren Münzkunde.“ (Berolini 1851) tom. I. p. 85—92.

⁴) Qui quidem Iuppiter benignus Ζεὺς Ἀγισταῖος fortasse nominatus est. cf. infra p. 18.

⁵) De E. Curtii sententia meae, puto, omnino non adversa in posteriore parte disseram. cf. infra p. 37 sq. Curtius enim alteram columnam Panī sacratam fuisse arbitratur. —

⁶) VIII. 30, 2.

quo descripsit, quae Megalopoli in urbe visu digna fuissent. Dico haec eius verba: „περίβολος δὲ ἐστὶν ἐν ταύτῃ (scil. Μεγάλῃς πόλει) ἀγορῇ) λίθων καὶ ἱερῶν Λυκαίου Διός. ἔσοδος δ' ἐς αὐτὸ οὐκ ἐστὶ· τὰ γὰρ ἐντός ἐστι δὴ σύνοπτα, βωμοὶ τὲ εἰσι τοῦ θεοῦ καὶ τράπεζαι δύο* καὶ ἀέροι ταῖς τραπέζαις ἴσται.“ Ex quo quidem loco apparet etiam Arcades posterioris aevi Megalopoli priscum illud in monte Lycæo fanum diligenter imitando effinxisse¹).

Iam vero ex Apollodori et Pausaniae fabulis facile opinari licet, quae fuerit vetustissima religio, vel „δόγμα“ principale, quas deinceps mutationes inierit, qua ratione ritu sacrisque caerimoniis illud „δόγμα“ expresserint et ante oculos proposuerint.

Quoniam enim res, quas sub leni mitique coelo, vel, si Horatium imitari licet²), sub Iove ameno terra progeniit, mythice vel symbolice Iovis progenies appellari possunt eaque progenies ardore aestivo deletur, vetustissima forma dogmatis, de quo agitur, haec fuisse videtur:

Iuppiter liberos suos interfecit et devoravit. [Ζεὺς κτείνει καὶ Ἰ. καταπίνει³] (vel λαφύσσει τοὺς ἑαυτοῦ παῖδας.)

Haec a me prolata recte sese habere indicio est Apollodori locus, quo narratur, a Tellure Iovem propter flagitium Lycaonidarum iratum precibus placatum esse, ita ut soli Nyctimo pepercerit⁴). Nam iis verbis mythum Arcadum mutatis nominibus esse eundem ac Cretensium, Saturnum filios suos devoravisse unumque Iovem a Rhea matre servatum esse, satis indicatur⁵).

¹) Haec una in re sana illa Iovis Lycæi differunt, quod in monte Lycæo una ara („πρὸ δὲ τοῦ βωμοῦ“ Paus. VIII. 38, 7) Megalopoli autem, ut numero aquilarum responderent, duae erant. —

Megalopoli vero eadem detestanda sacrificia acta esse, quae in monte Lycæo agebantur, non verisimile est. Nam postea quoque deo lucis in altissimo monte immolandum esse putabant, sicuti Persae deos suos in summis montibus venerabantur. Itaque sacrificium in monte remansit, nec ea ipsa re mirum est in loco recondito crudelem istum hominum immolatorum morem paulatim in oblivionem venisse, a paucis autem maxima cum pertinacia usque ad Pausaniae tempora servatum esse. —

²) cf. „sub Iove frigido“ — Hor. carm. I. 1, 25.

³) cf. Paus. VIII. 8, 2. Hesiod. Theog. vv. 459. 467. 497.

⁴) Apollod. bibl. III. 8, 1, 5.

⁵) cf. Lauer „Syst. der griech. Mythol.“ p. 168: „... Grade, wenn der Himmel alle Keime der Erde zu voller Reife gebracht, verschlingt er sie wieder ...“ I. Overbeck „Beiträge z. Erk. u. Krit. der Zeusreligion“ p. 98.

Deum igitur irascentem, ut qui solis ardoribus aridam sterilemque terram redderet, antiquissimis illis temporibus humano sacrificio placare studebant; unde paulatim variae illae fabulae profectae sunt, quas scriptores tradiderunt.

Etenim cum asperi hominum mores molliori atque mitigari coepti essent, barbaram consuetudinem illam, quam, ne Jovis iram concirent, abolere noluerunt, ea re excusabant, quod „δόγμα“ illud paulo mutatum tradebant:

- II. Iovem Lycacum filios vel filium immolavisse [Ζεὺς Λυκαῖος θύει (καὶ καταπίνει) τοὺς ἑαυτοῦ παῖδας vel τὸν ἑαυτοῦ παῖδα]. — Itaque dici poterat ipse Iuppiter, qui factus est Lycacus, deus terribilis, immane illud sacrificium instituisse¹⁾.

Deinde autem moribus iam lenioribus ea in re offendeant, quod deus summus scelus tam nefarium commisisse putabatur; quapropter Lycacum, deum infestum et atrocem, a summo

- III. Iove, deo benigne, disiungentes Lycacum filium sacrificasse dicebant. [Λυκαῖος θύει τὸν ἑαυτοῦ παῖδα.]

Quam religionis rationem cum amplecterentur, duas illas columnas tamquam insignia in monte Lycaeo aquilis ornatas crexerunt, alteram Iovis procreantis, alteram Lycaci, dei perniciosi. Antea enim ne signo quidem dei usi esse videntur²⁾.

Tum vero moribus magisque ad humanitatem inclinantibus ad hanc processerunt opinionem nullum deum esse nisi bonum, iustum, omnibus denique virtutibus praeditum. Quocirca brevi dicere reformidabant deum Lycacum trucidavisse filium; neque mirum est facinus illud deo indignum homini attributum esse. Atque ea de causa Lycacus deus in Lycaonem hominem transfiguratus est.

Lycaon igitur, rex Arcadum antiquissimus, nemo alius est nisi Iuppiter ipse in hominem deformatus, vel Iovis Lycaci humana effigies. Ideo tum ita rem narrabant: Λυκάων τῷ Λυκαίῳ

¹⁾ cf. H. D. Müller l. l. p. 22.

²⁾ Quaestionem illam difficillimam, quacum fuerit religio antiquissima cum Graecorum, tum omnium Indogermanorum, utrum unum deum initio coluerint, an plures, equidem, qui diiudicare ausim, longe absum. Sed tamen id monere liceat et eam Iovis Lycaci religionem et alias multas superstitiones, quibus duo vel plures dii ex uno eodemque numine orti et paulatim seiuncti esse videntur, opinioni eorum favere, qui unum initio deum ab hominibus cultum esse contendunt.

Αἰὶ θύει τὸν ἑαυτοῦ παῖδα. — et deinde tantam crudelitatem respuentes: Λυκάων τῷ Λυκαίῳ Αἰὶ θύει παῖδα, vel, ut Apollodorus refert¹⁾, V. „ἕνα τῶν ἐπιχωρίων παῖδα“, vel, ut Pausanias²⁾, „βρέφος ἀνθρώπου.“ VI.

Sed ne in hac quidem fabula acquieverunt, quandoquidem homicidium puniendum crimen iis videbatur; et ideo deum ipsum laesae humanitatis ultorem esse voluerunt. Nec difficile ex nomine Lycaonis, quippe cuius divinam originem obliti essent, duci potuit poena, qua deus illum affecisset³⁾. De ea re Pausanias: „καὶ αὐτὸν αὐτίκα ἐπὶ τῇ θυσίᾳ γενέσθαι λύκον φασὶν ἀντὶ ἀνθρώπου.“ VII. Quae quidem fabula eo magis in promptu fuit, quod iam antiquitus vis illa naturae, qua incrementum herbarum deletur, — Iuppiter Lycacus scilicet, cuius in locum in sacrificando puero postea Lycaon successerat, — voraci lupo similis esse videbatur⁴⁾.

Recta autem esse ea, quae adhuc exploravimus, argumento sunt aliae Graecorum religiones fabulaeque, dico Iovis Laphystii, Iovis Actaei, Actaeonis.

Ac primum quidem Iovem Laphystium cum Athamante Minyco, primo sive Iolci sive Orchomeni rege, artissime cohaerere res est notissima⁵⁾. Etiam Iovi Laphystio humanas victimas immolatas

¹⁾ Apollod. bibl. III. 8, 1, 5. ²⁾ Paus. VIII. 2, 3.

³⁾ Inde fortasse proverbium originem duxit: „λύκος αὐτὸν φεύγει“ ad quod Hesychius notavit: „παροιμία ἐκ τῶν φευγόντων.“

⁴⁾ Fabulam de mutatione Lycaonis recentissimam esse etiam inde colligere licet, quod Apollodorus eam ignorans Lycaonem filiosque impios fulmine interfectos esse tradidit. Reliqua sane Periegetae narratio, quamquam ille fuit Apollodoro aetate posterior, tamen priorem formam habet. Nam apud Pausaniam de causa, qua commotus Lycaon Iovi puerum mactaverit, nihil legitur; quam quidem causam Apollodorus, vel quos secutus est auctores, quaerere non neglexerunt; quapropter fabulam excogitaverunt fabulae Tantalii simillimam.

Dignum praeterea, quod moneam, etiam hoc videtur, quod illa Pausaniae voce „φασί“ et, quae sequitur sententia, „καὶ ἐμὲ ὁ λόγος οὗτος πείθει, λέγεται δὲ ὑπὸ Ἀρκάδων ἐκ παλαιῶν,“ (VIII. 2, 3, 4.) indicari censeo Periegetam eam de Lycaonis mutatione fabulam ab ipsis Arcadibus audivisse; Apollodorum contra poetarum et genealogorum fabulas conscripsisse notum est.

⁵⁾ cf. Welcker „gr. Götterl.“ I. p. 205 sq. — Preller „griech. Myth.“ II². p. 310: „Athamas ... ist das mythische Bild eines alten Zeusdienstes der thessalischen und böotischen Minyer, der mit dem des lykäischen Zeus in Arkadien grosse Aehnlichkeit gehabt haben muss“ ... Schwenck „gr. Myth.“ p. 20: „Bei den Athamanen war der Zeus Laphystius d. i. der Verschlinger. ebenso der furchtbare, mit Menschenopfern gesühnte Lichtgott.“ — I. A. Hartung „Religion und Mythologie der Griech.“ III. p. 28 sq. — Overbeck

esse Herodotus¹⁾ et Minois dialogi auctor²⁾ testes sunt. Difficillimus quidem perspectu mythus ille Iovis Laphystii est, quia annexa et valde ornata Argonautarum fabula Laphystii natura vetustissima obscurata est. Nihilo tamen minus Prellerus suo iure, puto, Iovi Laphystio Iovem Phyxium opposuit et hunc benignum et beneficium, illum perniciosum et letiferum esse coniecit³⁾. Quae enim de Athamante narrantur, ea referenda esse existimo ad ipsum Iovem Laphystium. Itaque si traditur⁴⁾: „Ἀθάμας . . . μανείς ἐτόξευσε Λέαρχον (scil. filium ex Inoë partum) idem valere arbitror ac si symbolice dictum esset: Ζεὺς λαφύσσει⁵⁾ τὸν ἑαυτοῦ παῖδα i. e. aestivo ardore delentur herbae plantaeque.

Summi autem momenti ad fulciendam meam de Iove Lycaco opinionem fabulae religionesque sunt, quae de Actaeone iisque numinibus feruntur, quibuscum ille coniungitur⁶⁾. Nomen Actaeonis derivandum videtur⁷⁾ ab ἀκτίς (ἀκταίνω = αἰσσω, ἥσσω, ἄσσω, rad. ἀκ); atque id eo praecipue verisimile est, quod Actaeon filius dicitur Maerae⁸⁾ i. e. caniculae et dominus quinquaginta

l. l. p. 97: „... Zeus Lykaos und Laphystios, sichere Hitze- und Dürre-götter ...“ — Forchhammer „Hellenika“ t. I. (Berolini 1827) p. 209: „Er (scil. Laphystius) ist der Gott des schlürfenden Aethers, der die Nässe der Erde aufschlüpft.“ — ¹⁾ VII. c. 197.

²⁾ Ps.-Plat. Min. p. 315 C. „... καὶ οἱ τοῦ Ἀθάμαντος ἔργοι οἷος θυσίας θύουσιν Ἕλληνες ὄντες!“ — cf. Suchier „de victim. human.“ p. 16. — Ios. Beekers „de hostiis human. ap. Graecos“ p. 35—38. — De Iove Laphystio eiusque fabulis cf. K. O. Müller „Minyer“ p. 161 sqq. —

³⁾ Preller „gr. Myth.“ II² p. 310 sq. — cf. ibid. I. p. 94. 112. — Hartung „Rel. u. Myth. der Gr.“ III. 28 sqq. ⁴⁾ Apollod. I. 9, 2.

⁵⁾ λαφύσσειν et λαφύγος cum λαπάσσω et λάππω coniungenda esse Overbeckius („Zeusreligion“ p. 41, not. 99) docuit. In Hom. enim Iliad XI. v. 176. de leone legitur „... ἔπειτα δὲ θ' αἶμα καὶ ἔργα πάντα λαφύσσει.“ —

Opinionem hanc: „als winterlich finsterer Gott liess er Laphystios“ — Prellerus v. d. (gr. Myth. II. p. 310) hodie, si viveret, ipse vix defenderet. cf. Overbeck l. l. ⁶⁾ Cf. Overbeck „Zeusreligion“ p. 40.

⁷⁾ Hac in re vv. dd. Lauero („Syst. d. Myth.“ p. 198 [cf. p. 203]) et Overbeckio l. l. ad stipulor contra Welckerum (gr. Götterl. I. 205 et opuscul. tom. V. p. 36), qui a voce ἀκτὴ (scil. ἀκμήτης ἀκτὴ) nomen herois derivari voluerat. —

⁸⁾ Paus. X. 30, 5. — „Der weibliche Sirius“ cf. Welckeri commentationem „Zeus Akraios, nicht Aktaios auf dem Pelion“ inscriptam — in Gerhardi „Denkmäler und Forschungen“ (diurn. archaeolog.) 1860 p. 14 sqq. —

Aliis veterum scriptorum locis Antonoe Actaeonis mater appellatur. Apollod. III. 4, 4. — cf. Corp. Inscr. Gr. No. 6126 B.

canum i. e. dierum canicularium. Notissima est fabula Actaeonem, cum in venando Dianam lavantem vidisset, ab ea in cervum mutatum et a rabidis quinquaginta canibus dilaceratum esse¹⁾. Sed iam inter omnes convenit fabulam illam principio multo simpliciore fuisse, ita ut Actaeon a canibus dilaniatus tantummodo narraretur²⁾.

Mythus autem ille ex omni parte perspicuus est veteri sacrificio et pompa, quam in Pelium montem Iovi Actaco agebant. Sirio enim oriente adulescentes selectos et vestitos arietum pelilibus villosis pompam ex urbe Demetria in Pelium duxisse Dicaearchus auctor est³⁾. Apertum igitur est „Actaeum“ Iovem hoc consilio eos oravisse, ut humidus ventos caelumque salubre precantibus tribueret. Vellera autem induebantur, quia insignia erant nubium, quas ab illo petebant; quapropter viri docti Iovem Actaeum deum lucis et caloris esse consentiunt⁴⁾.

Atque sicuti ex Iove Lycaco Lycaon, ita ex Iove Actaco Actaeon heros profectus est⁵⁾. Quod igitur de Actaeone narrabant, id in Iovem ipsum referri debet. Herbae enim et gramina oriente Sirio delentur; itaque cum deus lucis, quae vere procreaverat, aestate radiis (ἀκταί) perdere videretur, Actaco cognomen ei inditum est. Iuppiter igitur Actaeus initio deus lucis est et benignus et infestus. Benigno postea nomen Iovis soli

¹⁾ Apollod. III. 4, 4. Ovid metam. III. v. 143—252. Hygin fab. 180. 181.

²⁾ „Aktäon musste der Hunde wegen zum Jäger werden, und warum seine Hunde ihn zerrissen, dies motivirte nun der Mythos auf die verschiedenste Weise, nach dem einen oder anderen Gedanken durch verschiedene Göttinnen.“ Welcker diurn. arch. I. l. — cf. Overbeck l. l. p. 40.

³⁾ Dicaearchi fragm. de Pelio — in C. Mülleri fragm. hist. Gr. vol. II. 262. — cf. Hartung „Rel. und Myth. der Gr.“ III. p. 9 sqq. —

Welckerus l. l. commentatione, quam equidem plane comprobo, contra Starckium (in Gerhardi „Denkm. u. Forsch.“ 1859 p. 92) et Prellerum (gr. Myth. I² p. 112 not. 1 et p. 359) „Actaeum“ Iovem defendit. Antiquissimis enim temporibus, quamdiu pompa illa molestissima in Pelium, quinque milium pedum montem, ageretur, ibi revera Iovem „Actaeum“ honoratum, postea vero remota ab usu pompa, cum paulatim, quae illa in monte religio fuisset, obviscerentur, nomen Iovis „Actaei“ aliunde ignotum in „Actaeum“ mutatum esse suo iure adserit. — Welckero hac in re Overbeckius plane assentitur. cf. „Zeusreligion“ p. 40.

⁴⁾ Overb. l. l. — H. D. Müller (progr. Gott.) p. 26. — Welcker l. l. et eiusd. auctoris „gr. Götterl.“ I. p. 205. — Lauero „Syst. d. Myth.“ p. 203.

⁵⁾ Cf. H. D. Müller l. l. — K. O. Müller „Minyer“ p. 349.

proprio tribuitur, infesto Actaei. Brevi autem ex Actaeo a Iove seiuncto persona humana Actaeonis oritur et eum eius nomine coniunguntur fabulae deinceps variatae, ita ut, qui initio deus infestus fuerat, postremo vel ipse interemptus sive dilaniatus dicatur.

Quod non mirabimur, si etiam Lycaonem paullatim in mytho plane aliam naturam induisse meminerimus: initio enim et ille quidem deus est perniciosus; apud Pausaniam homo impius, qui puerum mactavit; apud Apollodorum iam socios et participes sceleris illius habet filios; apud Nicolaum autem Damascenum ipse pius est, sed filii nonnulli sunt scelesti. Sed Actaeonis mythus longius processit quam Lycaonis. Quam vero finitimae sint fabulae illae etiam inde cernitur, quod Lycaoni quinquaginta filii tribuuntur, qui numero Actaeonis canibus respondent¹⁾.

Quibus leviter tantummodo perstrictis magis quam peractis proximum est, ut de Aristaeo disseram. Quem quidem in Cycladibus insulis, prae ceteris Ceae, deum honoratum esse luculentissimus testis est scholiasta ad Apollonii Rhod. lib. II. v. 498²⁾: „... Τοῦ κατηστερισμένου κυνὸς φλέγοντος τὰς Κυκλάδας νήσους καὶ πολλὸν χρόνον ἀλγμοῦ τε καὶ ἀπορίας οὐσης, οἱ τὴν Κέω κατοικοῦντες ἐκ θεοπροπίου ἐπεκαλέσαντο Ἀρισταῖον, τὸν Ἀπόλλωνος καὶ Κυρήνης, τῆς Ὑφέως, ἐκ Φυθίας. Ὁ δὲ παραλαβὼν τινὰς ἐξ Ἀρκαδίας ἦλθεν εἰς Κέω καὶ Διὸς ἱερὸν ἰδρύσατο Ἰχμαίου, ξενεχὰ τοῦ τοῦς ὄμβρους γίνεσθαι [καὶ τοῦς ἐτησίαις πνεῖν]. καὶ τὸν κύνα ἐξιλίατο. καὶ ἐνομοθέτησε κατ' ἐνιαυτὸν τοῖς Κεῖσις μεθ' ἑπλων ἐπιτρεῖν τὴν ἐπιτολὴν τοῦ κυνὸς καὶ θύειν αὐτῷ. Ὅθεν οἱ ἐτησίαι πνέουσι καταφύγοντες τῷ θέρει τὴν γῆν ἐτησίαι ἐπνευσαν Ἀρισταίου αἰτησαμένου Καὶ κατακαλεσάμενος τοὺς ἐτησίαις Ζεὺς Ἀρισταῖος ἐκλήθη³⁾ καὶ Ἀπόλλων Ἀγρεὺς (Ἀγυειὺς) καὶ Νόμιος

¹⁾ Apollod. bibl. III. 8, 1 et III. 4, 4. — Apud Hyginum (fab. 181) uni ex Actaeonis canibus nomen Arcadis inditum est. — cf. H. D. Müller (progr. Gotting.) p. 27 sq. et 30.

²⁾ C. Müllerus (fragm. hist. Gr. tom. III. p. 319) id scholion ex Ariaethi Tegeatae „Arcadicis“ desumptum esse opinatur. — De Aristaeo deo cf. Preller „griech. Myth.“ I². p. 356 sqq. Lauer l. I. 197 sq. „... Aristaios, der selbst nur eine beschränkte Fassung des Zeus ist.“... Welcker opuscula tom. III. p. 34. — Hartung l. I. III. p. 11.

³⁾ Cf. Pausan. VIII. 2, 4. — Apud Apollodorum III. 4, 4 Aristaeus pater Actaeonis appellatur.

Τινὲς δὲ τέσσαρας Ἀρισταίους γενεαλογοῦσιν ὡς καὶ Βαχυλίδης τὸν μὲν Καρύστου, ἄλλον δὲ Χέρωνος [Χεῖρωνος P.], ἄλλον δὲ Γῆς καὶ Οὐρανοῦ· καὶ τὸν Κυρήνης¹⁾.“

Iam apparet hic quoque ex Iove Aristaco Aristacum hominem factum esse, de cuius parentibus alii alia commenti sunt; eam autem genealogiam, qua Urani (sive Caeli) et Telluris filius Aristaeus significatur, omnium esse gravissimae auctoritatis neminem fugiet; quapropter eo minus dubitari posse censeo, quin heros in Iovis Ἀρισταίου vel ἀρίστου²⁾ locum successerit.

Eundem vero Aristacum antiquissimis temporibus Arcadibus quoque non ignotum fuisse pauca quidem testimonia ac tenuissima vestigia supersunt, sed omnino non refutanda. Apud Servium enim haec exstant³⁾: „Aristaeum invocatur, i. e. Apollinis et Cyrenes filium, quem Hesiodus dicit Apollinem pastorem Huic opinioni Pindarus refragatur, qui eum ait de Cea insula in Arcadiam migrasse ibique vitam coluisse. Nam apud Arcadas pro Iove colitur, quod primus ostenderit, qualiter apes debeant reparari.“ — Et Iustinus⁴⁾ fabulam tradidit, quam secutus „Aristacum in Arcadia late regnasse“ scripsit⁵⁾.

¹⁾ Qua de causa et qua ratione Iuppiter Lycaeus a Cyrenensibus cultus sit, in eam rem inquirere non est huius loci. Id autem monere liceat cum genealogia ab Apollonii Rhod. scholiasta in medium prolata, tum loco Herodoteo (l. III. c. 203), quo litoris Iovis Lycaci in Cyrenaica terra mentio fit, satis demonstrari illam religionem Arcadicam aliqua necessitudine cum Cyrenensibus coniunctam fuisse. — Scholiasta Apollonii l. I. in Ceam insulam Arcades immigrasse commemoravit. Veri est simillimum eo loco veterem incolarum memoriam de advenis Arcadicis nobis servatam esse. Arcades autem aliquando navigationis non ignaros fuisse pro certo habemus. cf. Paus. VIII. 4, 9, 5, 8, 14, 10. Dionys. Hal. I. 11. — Vide de ea re E. Curt. Pelop. I. p. 167 et 181 not. 23. —

²⁾ Pindari Pyth. VIII. v. 65. — Hom. II. XVIII. v. 258. — Etiam Cicero de nat. deor. III. 18, 45. Aristacum in deorum numero posuit. cf. eiusd. de divin. I. I. 57, 130. — Paus. VIII. 2, 4. — Odofredi Mülleri „Minyer“ p. 348, „prolegg.“ p. 196. „Dorier“ I¹. p. 281. — H. D. Müller (progr. Gott.) p. 26.

³⁾ Serv. ad Vergil. Georg. I. I. v. 14. Cf. Probi commentar. ad eund. loc.

⁴⁾ Iustin. histor. Philippicae I. XIII. c. 7.

⁵⁾ Qua ratione Diodori Siculi (III. 81, 82) narratio, Apollini et Cyrenae fuisse filios tres, Nomium, Aristaeum, Agreum, accipienda sit, in propatulo est. Ibi enim relata est opinio eorum, qui ex Apollinis cognominibus maxime usitatis prolem finxerunt.

Atque Apollinem, celeberrimum illum Dorum deum, in Aristaci, veteris illius numinis Pelasgici, locum successisse, eique postea Ἀρισταίου cognomen

Iis igitur rebus Aristacum, cuius religio posteris plane in oblivionem venisse videtur, aliquando in summo honore apud Arcades fuisse puto constare. Rex enim traditur fuisse, sicuti Lycaon, et „apud Arcadas pro Iove colitur“ aeque ac Lycaon vel Lycacus Iuppiter. Utram Iovis naturam Aristaeus maxime illustraverit, cum nomen tum fabulae eius clarissime indicant¹⁾. Quapropter non dubito Aristacum Lycaonis contrarium vel adversarium, Iovem benignum accipere²⁾.

Uterque enim me iudice unius eiusdemque Iovis est persona, Aristaeus benigni³⁾, Lycacus vel Lycaon infesti. Qua ratione in prisco illo Iovis Arcadici cultu superesse puto vetustissimae Indogermanorum religionis reliquias. Quis enim est, qui eam Arcadum religionem finitimam esse neget superstitioni et veterum Iranorum, qui Ormuzd vel Ahuramazda et Ahriman vel Angra-mainyus, hunc infestum, illum benignum deum honorabant⁴⁾, et

inditum esse vix quisquam neget. cf. Stark „über die Epochen der griech. Religionsgeschichte“ in actis XX. consessus philologorum — Francofurti ad Moenum 1861 (publici iur. factis Lipsiae ap. Teubn. 1863) p. 59: „Voran steht erstlich die pelagische Welt mit der herrschenden väterlichen Macht eines Vaters im Lichtlamm . . .“

Overbeck „Beiträge z. Erk. u. Kr. der Zeusreligion“ p. 23: „Die Eltern, die Genealogien sind in allen Fällen jünger als die Götter“ . . .

1) Apud Pindarum si legimus (Pyth. VIII. v. 64. sq.)

„Ζῆνα καὶ ἄγνον Ἀπόλλων, ἀνδράσι χάρις φίλοις, ἀγχιστον ὀπάονα μῆλον, Ἀργεῖα καὶ Νόμιον, τοῖς δ' Ἀρισταῖον καλεῖν“ — inde opinari licet Aristacum fuisse numen, in quo Iovis et Apollinis naturae coniunctae viderentur. Atque etiam veri est simillimum in Aristaeo, prisco illo deo Pelasgio, coniuncta olim fuisse, quae Graeci postea pluribus diis, Iovi, Apollini, Pani, Baccho tribuerunt. Vide Welckeri locum („griech. Götterl.“ I. p. 487–491), quo, quae veteres de Aristaeo tradiderunt, optime composita invenies.

2) Ea, quae de Aristaeo exposui, iam Odofredus Müllerus opinatus esse videtur haec disputans: „Was aber Aristaios betrifft, so ist gar nicht zu bezweifeln, dass er bei Weitem älter sei, als seine angebliche Mutter (scil. Cyrene). Er ist ja der milde Gott der Heerden, der Bienenzucht, des Wildes, des Oliven- und Weinbaus, aller fruchtbaren Ackerländer, ursprünglich Ζεὺς Ἀριστος, dann auch Ἀπόλλων Νόμιος und Ἀργεῖς, eine uralte Gottheit Arkadiens, von wo die Parrhasier seinen höchst feierlichen Dienst nach der kykladischen Insel Keos hinüber getragen haben . . .“ (Minyer p. 348) cf. „Dorier“ tom. I. p. 281. — Sed eum rem tangeret magis, quam demonstraret, haud facile multis persuasit. Quod haud scio an mihi feliciter contigerit.

3) Altera igitur in monte Lycaeo columna Aristaeo deo dedicata, vel eius signum erat. cf. supra p. 10. 12., infra p. 38.

4) cf. E. Curtii „griech. Geschichte“ tom. I. p. 46.

veterum Romanorum, qui Iovis O. M. contrarium putabant Vedio-
vum iniquum¹⁾.

Quae mea de Aristaeo sententia fulcitur hac Arcadum fabula, Ceorum mytho simillima: scilicet cum ardentissimo aestatis tempore germina emorerentur, „pabula canescerent, cum frondibus urerentur arbores²⁾“, tum Iovis Lycaci sacerdotem precatum sacris legitimis factis ramo quereus aquam Hagnus fontis attingere; quod cum fecisset, statim nebulam oriri, ex qua celeriter densata et cum aliis nubibus coniuncta magnum imbrem effundi³⁾. Ecce eadem pluviae obsecratio, propter quam Cei Aristaeum venerabantur⁴⁾.

Illi autem Aristaeo consecratum fortasse fuit sacellum, quod Pausanias prope Helissunta flumen vidit iuxta viam ex urbe Megalopoli in Maenalorum fines ducentem. „ . . . ἔστι τῆς ὁδοῦ ἐν δριστερᾷ Ἀγαθοῦ Θεοῦ ναός⁵⁾“. Periegeta ipse Iovis illud esse sacrum coniecit, fortasse non sine antiqua aliqua Maenalorum memoria; nam siquidem di bona hominibus largirentur, Iuppiter vero deorum esset summus, facile concludi posse ait cognomine illo „Ἀγαθοῦ“ Iovem ipsum indicari. Atque etiam Ernestus Curtius illo templo memoriam veteris Pelasgorum religionis ex antiquissimis temporibus servatam esse arbitratur⁶⁾. Quae si recta sunt, quin Iovis fuerit Aristaei sacrum, vix dubitari poterit.

1) Festum Vediovis diem (Agonalia) Romani egerunt a. d. XII. Kal. Iun. (cf. Mommsen „röm. Gesch.“ I. p. 164); neque fortuito factum censeo, ut eodem fere tempore ludi quoque Lycaci celebrari soliti sint. cf. infr. p. 23.

Gemmae nummiquae nonnulli exstant veteres, in quibus duo spectantur Ioves. Overbeckius („griech. Kunstmythologie“ tom. II. p. 257 sq. cf. ibid. tabulam gemmarum III. No. 6) de eorum interpretatione desperavit. Fortasse duplici Iovis natura, quam in deo Arcadico exposui et quae etiam in aliis Iovis religionibus invenitur (cf. supra p. 14), geminae illae imagines declarari possunt. Sane quidem certi nihil statui potest, nisi unde illae gemmae oriundae sint, investigavissemus, quod non est huius loci.

2) cf. Ovidii metam. lib. II. v. 212.

3) Pausan. VIII. 38, 4. cf. E. Curt. Pelop. I. p. 308.

4) Fabulam illam Arcadum ad tempora antiquissima pertinere patet. cf. Overbeck „Zeusreligion“ p. 39.

5) Pausan. VIII. 36, 5. — Schroeter „Beiträge zur Erklärung der Mythen des Alterthums“ (progr. gymn. — Ponte Saravi 1838) p. 21 templum illud non Iovis sed Panis fuisse sacrum coniecit. Quae opinio meae non adversa est. cf. infra p. 34.

6) E. Curt. Pelop. I. p. 314: „ . . . wie es scheint, das Denkmal eines sehr alten pelagischen Gottesdienstes“ . . .

Praeterea altero loco Aristaci religionis reliquias superesse Odofr. Müllerus coniecit, qui Apollinem Parrhasium vel Pythium in monte Lycaeo initio fuisse Aristacum autumavit¹⁾. Eundem deum Müllerus etiam Νόμιον appellavit²⁾. Sane igitur concedendum est eas Müllerii sententias, quae vel inter se pugnare videantur, nil esse nisi coniecturas. Tamen virum illum clarissimum, ut in multis aliis rebus, etiam hic rectum vidisse puto, quamquam argumentis ubique certis rem ad finem perducere difficillimum est. Νόμιον autem cognomen eodem iure Aristaco tribuitur, quo Apollini et Pani. Sed etiam Welckerus Müllerero consentire videtur, cum Apollinem in Arcadia neque antiquum esse deum, neque multis locis occurrere dicit³⁾.

Ceterum Iovis Lycaei cultum praeis Peloponnesi incolis, qui vulgo Pelasgiae stirpi adnumerantur, fuisse communem pro explorato habemus⁴⁾; unde etiam Lycaon Pelasgi filius perhibetur⁵⁾. Atque ea Iovis religio per maximam Peloponnesi partem antiquitus in summo honorē fuisse videtur, quamquam postea per deos Dorum obscurabatur. Cum vero Lacedaemoniorum imperium minutum esset et Achaeorum foederatae civitates dominationem maximae Peloponnesi partis obtinerent, etiam dii eorum ad priorem dignitatem elati sunt et Iuppiter ille antiquus foederis deus tute-

¹⁾ Pausan. VIII. 28, 2 et 8. — cf. O. Müller „Dorier“ I¹. p. 200 sq. not. 2: „... der Pythios oder Parrhasios am Lykäon ist wohl eigentlich Aristaios.“ — Apollini enim illi in monte Lycaeo fanum erat postea Πόθιον nominatum. — cf. Boeckh C. J. Gr. No. 1534. „Πόθιον“ ibi scriptum est v. 13.

²⁾ O. Müller l. l. p. 281 n. 4: „der Apollo Parrhasios am Lykäon ist ursprünglich der Nomios.“

³⁾ Welcker „griech. Götterl.“ I. p. 455. cf. ibid. p. 488 sq. — Deimling „Leleger“ p. 102 „... Ebenso stimme ich mit Müller überein, wenn er den Apollonkult den Pelasgern abspricht.“

⁴⁾ cf. E. Curtius „griech. Gesch.“ I⁴. p. 47 „Dieser pelasgische Gottesdienst...“ Idem in Pinderi et Friedlaenderi „Beiträge zur älteren Münzkunde“ I. p. 85: „... die heilige Höhe der Arkader, die älteste Opferstätte des pelasgischen Zeus.“ Id. Pelop. I. p. 164. 278 sq. — Welcker „Götterl.“ II. 236 Iovem Lycaeam „den altpelasgischen Zeus“ appellavit. — Praecipue is Iovis Lycaei cultus Parrhasiorum fuit cf. Bursian „Geographie von Griechenland“ II. p. 235: „Am Lykäon berührte sich das Gebiet der Kynurier mit dem der Parrhasier, welche auf dem heiligen Gipfel dieses Gebirges ihr altes Stammheiligtum, die Kultstätte des Lykäischen Zeus hatten.“

⁵⁾ Paus. VIII. 2, 1.

laris honorabatur. Quae quidem res inscriptione nuper publici iuris facta clarissime probatur¹⁾. Cui tabulae Orchomeni in Arcadia inventae, anno CLXXXVIII. a. Chr. n. exaratae pactum foederis inscriptum est, quod Orchomenii cum Achaeis inierunt et iureiurando sanxerunt hoc sacramento ex convento usi: „δμνῶ Δία Ἀμάριον, Ἀθάναν Ἀμαρίαν, Ἀφροδίταν καὶ τοὺς θεοὺς πάντας.“ . . In ea igitur tabula cognomen Iovis aliunde adhuc paene ignotum obviam fit; nec quisquam dubitabit, quin Waddington recte divina-

¹⁾ cf. Le Bas et Waddington — voyage archéologique en Grèce et en Asie Mineure — partie II. section VI. No. 353. — cf. ibid. pag. 223 sq. —

Inscriptio ea etiam alia de causa maxime est memorabilis, quod rectissime Waddington (p. 224) monuit. In codicibus enim omnibus mss. Polybii et Strabonis „Αἰνάριος“, „Ἀρνάριος“, „Ομάριος“ legimus, quas quidem formas plurimi frustra tentaverunt viri docti, pauci recte emendaverunt. Quarum quae fuerit genuina forma, nunc hac ipsa inscriptione docemur, ita ut „Ἀμάριος“ vel „Αἰνάριος“ omnibus illis locis reponendum videatur. — Egregie igitur Welckeri coniectura confirmatur („episch. Cykl.“ I. p. 128) apud Strabonem VIII. 387 sic legentis: „τὸ τοῦ Διὸς ἄλσος τὸ Ἀμάριον. Deinde etiam Kramerus ap. Strab. VIII. 385 eam formam restituit, Meinekius utramque recepit. — cf. E. Curt. Pelop. I. p. 488 n. 5. — Welcker „gr. Götterl.“ II. 207. Etiam apud Polybium II. 39, 6 et V, 93, 10 „Ἀμαρίον“ et „Ἀμάριον“ (pro Ὀμαρ.) legendum esse puto. —

De Iovis autem cognomine „Ὀμαγύριος“, quod apud Pausaniam duobus deinceps locis occurrit (VII. 24, 2 et 3), adhuc contentio est. Waddington enim etiam illud tollendum et „Ἀμάριος“ restituendum esse arbitratus est, homines sono usos subrustico „Ὀμάριος“ (pro „Ἀμάριος“) pronuntiavisse coniciens; quam vocem, cuius originem postea iam non perspicerent, deurtatam vel correptam esse formam vocis „Ὀμαγυρίον“ falso eos putavisse. — Qua de coniectura certe dubitari potest, cum illo Pausaniae loco (VII. 24, 3) Cereris quoque „Παναχαῖας“ templum Aegii, in urbe Achaiae, memoretur, ut verisimile sit iis ipsis cognominibus Ὀμαγυρίον et Παναχαῖας, quibus ideam fere sensus subest, Iovem et Cererem significari deos Achaeorum communes. Quod Riccardus Foerster, professor nunc Rostochiensis, optime de me meritis, coniecturae illi litteris ad me datis opposuit. — Sed antea (VII. 24, 2) Pausanias in Iovis „Ὀμαγυρίον“ templo Aegii statuas se vidisse ait Iovis, Veneris, Minervae. Idem igitur dii coniuncti occurrunt, quos inscriptione supra memorata deos esse tutelares foederis Achaeorum cognovimus, quapropter cognomen ex tabula notum illi Iovi tribuendum censeo. Itaque mihi quidem coniecturam Francogalli illius celeberrimi valde arridere profiteor, et quamquam ipse Overbeckius („gr. Kunstmyth.“ II. p. 219) id cognomen adhuc retinuit, quod neque in nummis ereberrimis foederatarum urbium, neque in titulis, neque aliis veterum scriptorum locis (praeter illum Pausaniae locum mihi quidem suspectum cf. p. 40. thesin IIII.) exstat, tamen non dubito, quin Iuppiter „Ὀμαγύριος“ plane de medio tollendus sit. —

verit vocem illam „Ἀράριος“ derivandam esse ab „ἀράρα“, quae est forma aeolo-dorica pro „ἡμέρα“. Qua de causa suo iure: „Ἀράριος, inquit, est donec le dieu de l'atmosphère lumineuse.“

Videre igitur licet Δία Ἀράριον esse deum lucis, ita ut et Ἀράριος et Αραριος cognomina sint unius numinis non solum ab Arcadibus sed etiam a plurimis Peloponnesi incolis veteribus summo opere honorati. Simul autem cognoscitur quam finitimus sit ille deus vetustissimus Peloponnesiorum Itolorum Iovi Lucetio vel Diespitri; nec enim clarius est Iovem Ἀράριον eundem esse ac Diespitrem et Αραριον eundem ac Lucetium¹⁾.

His peractis iam videbimus, quae praeterea de Iove Arcadico seitu digna sint.

Sacros illos et vetustissimos ritus per saecula vel usque ad Pausaniae aetatem mansisse supra ostendimus²⁾. Qua autem ratione temporibus posterioribus illud sacrum commiserint, ex Plinio cognoscimus, qui magnopere fabulam miratur, quam apud Scopam legit³⁾: „Demaenetus Parrhasius in sacrificio, quod Arcades Iovi Lycaeo humana etiam tum hostia faciebant, immolati pueri exta degustasse et in lupum se convertisse, eundem X. anno restitutum athleticae [esse] et in pugilatu victorem Olympia reversum.“ Unde concludendum est⁴⁾ festo Iovis Lycaci die puerum deo mactatum et extorum eius partem aliarum victimarum carni immixtam esse. Quam partem qui in epulis sacrificialibus degustaverat, is in exilium missus ac prioribus quidem temporibus in lupum conversus esse putatus est. Decimo demum anno reditus ei concessus est.

¹⁾ Macrob. Sat. I. 15, 14 „... Nam cum Iovem accipimus lucis auctorem unde et Lucetium Sallii in carminibus canunt et Cretenses Δία τὴν ἡμέραν vocant, ipsi quoque Romani Diespitrem appellant ut dei patrem ...“ cf. Paul. Festi epit. p. 114. — Preller „röm. Myth.“ ed. II. p. 139. 168. —

²⁾ cf. supra p. 4 sq.

³⁾ Plin. nat. hist. I. VIII. c. 22. §. 82. — Eandem fabulam Pausanias tradidit VI. 8, 2. Ubi Parrhasio illi non Demaeneto sed Damarcho nomen est. — cf. Varro ap. Augustin de civ. dei XVIII. c. 17.

⁴⁾ cf. Welckeri commentationem: „Lykanthropie ein Aberglaube und eine Krankheit“ — in opusculis tom. III. p. 157 sqq.

Similes mores etiam apud alios populos in usu erant, quod Germanorum fabulae de iis, quos „Werwölfe“ appellabant, satis docent. Cf. Simrock „Handbuch der deutschen Mythol.“ ed. III. p. 541: „Der Verbannte heisst ‚Wolf im Heiligthum.‘ Er darf dem Heiligthum nicht mehr nahen, das er geschändet hat; wie der Wolf flieht er in den Wald.“

Praeter sacrum illud immane deo Lycaeo vetustiore quidem aevo ludi celebrabantur, quos una cum sacrificio Lycaon ipse instituisse dicebatur. Qui quo fuerint in honore non solum apud Arcades sed etiam apud ceteros Graecos ex nonnullis Pindari locis cernitur¹⁾. Arcades autem etiamtum eos ludos agebant, cum stipendia merentes in alienis terris versarentur. Cuius rei argumento sunt illi, qui cum Cyro Minore contra Artaxerxem profecti Peltis, ubi exercitui triduum ad quiescendum datum est, Xenia auctore sacra Lycaea fecerunt ludosque celebraverunt²⁾. Locus autem ille Xenophonteus etiam hac de causa memorandus est, quia inde efficere possumus, quo fere anni tempore ludi illi sollemnes acti sint. Quies enim illa trium dierum Peltis erat a die itineris XXXXVII. ad L., vel a die CXXXV. ad CXXXII. ante proelium ad Cunaxam commissum³⁾. Cum autem Cyrum ineunte vere iter suscepisse et initio mensis Septembris cum Artaxerxe pugnasse constet⁴⁾, ludi Lycaci initio Maii mensis agebantur⁵⁾. Praemia autem certaminis coronae aureae⁶⁾ vel tripodes aënei erant⁷⁾.

Quae praeterea de Iove Lycaeo eiusque satellitibus traduntur, minoris sunt momenti. Lycaci enim montis verticem Arcades postea etiam Olympum nominabant⁸⁾; cum enim posteriore tempore Iuppiter in Olympo regnare crederetur, idem cognomen etiam Lycaeo monti antiquitus Iovis sacro tribuerunt. Unde quoniam iure quodam Iovem suum Lycacum etiam Olympium appellare poterant, illius imaginem in nummis eudendis Arcades

¹⁾ Pind. Ol. VIII. v. 96. XIII. v. 108. Nem. X. v. 48. cum scholl. — cf. Simonidis fragm. 155 v. 8. (ap. Bergk. poet. lyr. Gr. p. 1177.) — cf. Boeckh. C. J. G. No. 2374 lin. 30. 31. ibid. No. 1431. 1715. 1515: „Ἀνάκτα ἄνδρας δόλιχον...“ — Deus Lycaeus etiam ideo clarus fuit apud omnes Graecos, quia refugium praebebat inviolatum iis, qui ad eum confugerant. Pleistoanax quidem, ut uno exemplo defungar, rex Laedaemoniorum, prodicionis a civibus accusatus, per annos XVIII in asylo Lycaeo moratus est. cf. Thucyd. V. 16, 3.

²⁾ Xenoph. Anab. lib. I. c. 2. §. 10. ³⁾ Ibid. I. c. 1—8.

⁴⁾ Cf. E. Curtius „griech. Gesch.“ III³ p. 134. 136.

⁵⁾ Cf. supra p. 19. n. 1.

⁶⁾ „σπλεγγίδες χρυσαί“ — Xenoph. Anab. I. 2, 10.

⁷⁾ Cf. Polemonis Ilensis fragm. 26. ap. Müller. fragm. hist. Gr. III. p. 123.

⁸⁾ Pausan. VIII. 38, 2. Etiam „Ἰεῶν κορυφήν“ eum montem Arcades appellabant. Paus. I. 1.

posteriores usurpabant¹⁾. Atque simili modo Cretensibus, qui in insula Creta Iovem natum esse dicebant, locum quendam in monte Lycaeo Arcades opposuerunt „Κρητέα“ nominatum, quo deum educatum esse²⁾, et Theisoam, Nedam³⁾, Haguo nymphas eius fuisse nutrices narrabant. Nec procul aberat Λούσιος flumen, quod nomen acceperisse ferebatur, quia Iuppiter infans modo natus ibi lavatus esset⁴⁾.

Practer ea, quae memoravi, fana in monte Lycaeo et in foro Megalopolitano⁵⁾ Pausanias tertium vidit Iovis Lycaei sacrum in via, quae ex Laconia per Gareatarum pagum Tegeam ducit⁶⁾. Ibi enim aras fuisse, alteram Iovis Lycaei, alteram Panis⁷⁾, et reliquias templorum; sed praeterea nihil de iis tradidit, quapropter veri est simillimum iam Pausaniae temporibus ibi sacrorum usum abolevisse, ita ut templis collapsis vix ulla religionis illius memoria superesset. Nihil tamen secius in Tegeatarum finibus Iovem cultum et honoratum esse certum est. Periegeta enim narravit⁸⁾ Tegeae fuisse „χωρίον . . ὑψηλόν, ἐφ' οὗ καὶ οἱ βωμοὶ Τεγεάταις εἰσὶν οἱ πολλοί.“ „καλεῖται μὲν (Paus. pergit) Διὸς Κλαρίου, δῆλα δὲ ὡς ἐγένετο ἡ ἐπικληροῖς τῷ θεῷ τοῦ κλήρου τῶν παίδων ἕνεκα τῶν Ἀρχάδος . . ἄγουσι δὲ ἐορτὴν αὐτῷ Τεγεᾶται κατὰ ἔτος . .“

¹⁾ cf. E. Curt. in Pind. et Friedl. „Beiträge“ ect. p. 85. — Idem in nuntiis menstr. academ. reg. Berol. 1869 p. 472. — Overb. „gr. Kunstmyth. II. p. 106.

Hic praeterea iuvabit commemorare Iovem Lycaeam semper sine imagine honoratum tamen posterioribus temporibus ab artifice quodam fictum videri. Restat enim simulacrum aeneum (in museo Bonnensi nunc servatum) Iovis pelle lupina vestiti teste Overbeckio l. I. II. p. 266 sq.

²⁾ Pausan. VIII. 38, 2. 3. — 36, 3. — cf. Callimachi. hymn. in Iov. v. 4 sqq.

³⁾ Megalopoli in mensa imaginibus ornata Pausanias (VIII. 31, 4) Nedam vidit, quae Iovem puerum manibus tenebat, deinde Anthraciam eum facie, tertiam Haguo cum amphora et phiala. Cum autem illo loco nulla ante nymphae facie ornatae mentio facta sit, verba „καὶ αὐτὴ δᾶδᾶ ἔχουσα“ sine dubio recta non sunt. Pro „αὐτὴ“ fortasse „Γλαύκη“ scribendum esse facile intellegitur ex loco VIII. 47, 3.

⁴⁾ Pausan. VIII. 28, 2. — cf. Welcker „gr. Götterl.“ II. p. 234 sqq. Overbeck „Zeusreligion“ p. 22. not. 43. —

⁵⁾ De eo Iovis Lycaeo fano fortasse tribus Megalopolitana („Λυκαεῖται“) nominabatur. cf. Le Bas — Waddington — voyage archéol. partie II. sect. VI. p. 181 — (ad inscript. No. 331b): „... il est probable que les Λυκαεῖται étaient les habitants du quartier dans lequel s'élevait le temple de Zeus Lycaeos. Il est situé dans le voisinage de l'agora.“ Paus. VIII. 30, 2.

⁶⁾ Paus. VIII. 53, 11. ⁷⁾ cf. infra pag. 33. ⁸⁾ Paus. VIII. 53, 9.

Eam autem fabulam a Pausania traditam, qua Iovis Κλαρίου¹⁾ cognomen interpretari studebant, ut credibilem putet, vix cuiquam persuadebitur. Nam inter omnes constat²⁾ Arcadem personam esse fictam neque minus commenticia ea, quae de Arcadia inter illius filios divisa tradebant. Qui autem fuerit sensus cognominis „Κλαρίου“ Iovis Tegeatici Boeckhii V. C. rectissime intellexisse videtur³⁾. In inscriptione enim Tegeae inventa laudantur Tegeatae, qui Olympia vicerunt. Ii autem victores quattuor Tegeatarum tribubus adnumerati sunt. Tribus vero Pausanias⁴⁾ commemoravit has: „Κλαρεῶτις, Ἰποβοῦτις, Ἀπολλωνιάτις, Ἀθανεᾶτις,“ quibuscum nominibus inscriptionis nomina congruunt. Atque plane Boeckhio adstipulor haec disserenti⁵⁾:

„Κλαριῶται (sive Κλαριῶται) fuerunt, qui fundos (κλήρους) certis legibus exercebant, inferioris olim condicionis homines, quales Cretensium Clarotae, quos a fundis appellatos esse recte monuit Müllerus (Dor. tom. II. p. 53), quales praeterea Helotes Spartanorum, Penestae Thessalorum, alii. Arcades enim olim Helotibus similes προσπελάτας habuisse docet Theopompus ap. Ath. VI. p. 271 E. Denique Tegeaticos Clarotas initio eadem fuisse condicionem, qua Creticos, potest etiam inde colligi, quod insignes Cretae urbes Cydonia, Gortys, Catre a Tegeatae filiis dictae feruntur. (Paus. VIII. 53, 4.) Sed Tegeae illi Crariotae posthac iam cives sunt.“ — Atque ea Boeckhii sententia fabulis quibusdam Tegeaticis comprobatur. Non enim dubitari potest, quin verum sit, quod traditur, Tegeam urbem simili quondam ratione, qua Athenas, ex pluribus vicis vel pagis tamquam concrevisse, qui iam ab Aleo rege in unam civitatem consociati et coniuncti essent⁶⁾. Aleus autem filius dicitur Aphidantis, qui

¹⁾ Κλαρίων cognomen, Apollini quidem saepius tributum, Iovis excepto hoc Pausaniae loco bis tantum occurrit. Aeschyl. Suppl. 360 et Eustath. ad Dionys. Perieg. 443. — Aeschylus autem eo usus est, ut Iovem significaret eum, qui suam cuique fortunam tribueret, et Eustathius tradidit fuisse, qui Iovis Κλαρίου oraculi in urbe Claro (prope Colophona in Ionia sita) mentionem fecissent. Quod Iovis et Apollinis Κλαρίου confusione factum videtur. Apollinem Κλαρίων laudaverunt Callimachus (hymn. II. v. 70), Strabo (XIII. 642), Vergilius (Aen. III. 360), alii.

²⁾ Cf. Schwenek „Myth. d. Gr.“ p. 36. Welcker „Götterl.“ II. p. 205.

³⁾ C. I. Gr. No. 1513.

⁴⁾ Paus. VIII. 53, 6. — cf. Curt. Pelop. I. p. 256 sq. 272 not. 25.

⁵⁾ l. I. ⁶⁾ Pausan. VIII. 45, 1. cf. Strabo VIII. 337.

octo pagis (ὀκτώμυς) terrae Tegeaticae nonum addiderat¹⁾. Quam quidem narrationem Curtius recte perspexisse videtur, cum Aphidantem ducem (vel rectius „heroem eponymum“) fuisse diceret gentis bellicosae, quae terra Tegeatica expugnata dominationem ibi constituisset²⁾. Tum qui antea terram incoluerant, in dittonem Aphidantium venerunt et Clarotae vel Κραριῶται facti sunt eorumque Iuppiter, quem colere non desierunt, Clarotarum deus vel „Ζεὺς Κλάριος“ appellatus est³⁾.

Paullatim autem gens subacta et domita aequum ius nacta est, ut verisimile sit focum Arcadium communem, cuius Pausanias mentionem fecit⁴⁾, fuisse aram, in qua gentes diversae originis in urbem Tegeam consociatae atque coniunctae diis communibus sacrificarent. Sed tamen singulae gentes vel tribus, ut plerumque in urbibus Graecis factum est, suos deos retinebant, quapropter Clarotae illi priseam Iovis religionem servaverunt. Eum autem Iovem Κλάριον eundem fuisse ac vetustissimum illum Peloponnesiorum vel Pelasgorum deum, cui in monte Lycaeo sacra sollemnia agebantur, ara illa Iovis Lycaei in Gareatarum pago Tegeatico sita et templo, quod Pausanias collapsum vidit, satis indicari puto⁵⁾. Non enim mirum est Clarotas pristinae servitutis oblitos Iovis sui Κλαρίου cognomen commisisse cum fabula, quam quis ex ipso hoc cognomine de sortita Arcadia commentus erat.

Suo autem iure, puto, Ern. Curtius⁶⁾ Iovem illum Κλάριον eundem esse opinatus est ac „μέγιστον, κεραυνοβόλον“, qui initio inscriptionis⁷⁾ nominatur. Qui quidem Iovis Κεραυνοβόλου cultus praeterea altera hac inscriptione testatur inter Mantineae urbis ruinas inventa litterisque priseis confecta: „ΔΙΟΣ ΚΕΡΑΥΝΟ“⁸⁾.

¹⁾ Schol. in Apollon. Rhod. Argonaut I. v. 162. Pausan. I. 1.

²⁾ E. Curt. Pelop. I. p. 250 sq.

³⁾ Recte me deum cum tribus nomine coniunxisse trium reliquarum tribuum nomina docent a Neptuno, Apolline, Minerva derivata. [Hippothoum, regem Arcadiae (Paus. VIII. 5, 4; 45, 7), Cereyonis sive Neptuni (Paus. I. 5, 2; 39, 3.) f., initio fuisse Neptuni cognomen existimo. Sed accuratius in eam rem inquirere non est huius loci.]

⁴⁾ P. VIII. 53, 9. „μυλοῦσι δὲ οἱ Τεγεάται καὶ ἑστίαν Ἀρκάδων κοινήν.“

⁵⁾ cf. supra p. 24. ⁶⁾ „Pelop.“ I. p. 272. not. 27.

⁷⁾ Boeckh C. I. Gr. No. 1513.

⁸⁾ Le Bas et Waddington „voyage archéologique en Grèce et en Asie Mineure“ partie II. section VI. No. 352 a. Waddington inscriptionem illam saeculo V. a. Chr. n. confectam esse putavit.

Maxime vero dolendum est nil praeterea de eo Iovis cultu nobis traditum esse; quapropter in medio relinquendum esse ceusco, num recta sint, quae Waddington V. C. de ea re disseruit his verbis: „Au cinquième siècle avant notre ère, chez les Arcadiens habitants la plaine de Mantinée le culte de Zeus avait encore un caractère essentiellement naturaliste, et consistait dans la divinisation du phénomène physique; la Foudre ne leur apparaissait pas comme l'arme du dieu, mais comme le dieu lui-même.“

Quae Iovis religiones, quas exposui, cum propter vetustatem summo fuerint momento ad eam rem, quam pertractandam mihi proposui, iis, ad quas nunc accedam, cum recentes vel seriore tempore institutae vel receptae esse videantur, non idem tribuendum est, ut satis sit paucis de iis disseruisse.

Ac primum quidem commemoranda sunt fana duo, alterum Διὸς Σωτήρος, alterum Διὸς Ἐπιδώτου, Mantineae exstructa¹⁾. Quorum cognominum prius Σωτήρος persaepe Iovi tribuitur²⁾, posteriore Ἐπιδώτου cum hac de causa ornatum esse Pausanias dicit³⁾, quod bona hominibus largiretur. Quae sacella quo tempore aedificata essent Pausanias non tradidit; sed ex ipsis cognominibus opinari licet ea ex voto condita esse, vel ut gratiae deo referrentur, qui salutem fortunamque tribuisset.

Idem dicendum est de templo Iovis Σωτήρος Megalopoli prope Aristandri porticum sito, in quo iuxta Iovem in solio sedentem statuam collocatae erant marmoreae Dianae Σωτῆρας et Megalopolis deae a Cephisodoto et Xenophonte Atheniensibus confectae⁴⁾.

Praeterea Megalopoli templum erat Φιλίου Διὸς, cuius statua a Polycleto, celeberrimo Argivo, facta Baccho simillima erat⁵⁾. Neque procul a Iovis Φιλίου superstitione videtur abesse Iovis

¹⁾ Paus. VIII. 9, 2. ²⁾ cf. Welcker „gr. Götterl.“ II. 183 sq.

³⁾ Paus. VIII. 9, 2. ⁴⁾ Paus. VIII. 30, 10.

⁵⁾ Paus. VIII. 31, 4. — Dio Chrysost. orat. XII. 76: „φίλιος δὲ καὶ ἑταιρείος (Ζεὺς καλεῖται), ὅτι πάντας ἀνθρώπους ξυνάγει καὶ βούλεται εἶναι ἀλλήλους φίλους.“ — cf. Welcker „Götterl.“ II. p. 202. — Overb. „griech. Kunstmyth.“ II. p. 51. 228 sq. — Optima sunt, quae de eo Iove disseruit Preller in diurn. archaeol. 1845 p. 105 (typis denuo exscripta sunt in opusce select. p. 284.) — cf. eiusd. mytholog. Gr. I² p. 115.

Mihi quidem is Iuppiter Φίλιος proximus esse videtur Italorum deo „Jupiter Liber“ nominato. cf. Prelleri mythol. Roman. edit. II. p. 173 sq. —

Χάρμωνος, cui sacellum erat in planitie Mantinea urbis prope Epaminondae sepulcrum¹⁾.

Alipherae praeterea ara erat Διὸς Ἀεχέου, „ἄτε ἐνταῦθα τὴν Ἀθηνᾶν τεκόντος²⁾“. Qua in urbe Minervae Arcadiae cultus maxime floruit neque igitur mirum est Alipherenses Atheniensium fabulam de Palladis ex Iovis capite ortu recepisse. Atque brevi cum Atheniensibus de deae patria contententes suae urbi Alipherenses eum honorem vindicabant et, quo magis fabulae crederetur et Iovi, qui illam in lucem edidisset, gratos se redderent, aram exstruxerunt „Puerpero³⁾“.

Deinde Iovem Μοιραγέτην cum Parcis in ectypa imagine Acaesii se vidisse Pausanias tradidit⁴⁾. Sed luce clarius est etiam cum Iovem posterioribus demum temporibus ab Arcadibus receptum esse, cum magis magisque singulorum pagorum et gentium religiones superstitionesque oblivioni darentur et communes omnium Graecorum di eorumque cultus passim manarent. Imaginem autem illam Iovis Μοιραγέτου ultimis demum antiquitatis Graecae temporibus confectam esse reliquis, quae in eadem Acaesii porticu exstabant, imaginibus satis demonstratur⁵⁾.

Idem fere dicendum est de cultu Iovis Τελείου, cui ara et simulacrum quadratum (ἄγαλμα τετράγωνον) Tegeae dedicatum erat⁶⁾.

Postremo Ζεὸς Μελίχιος, qui Aristaei naturam fere adaequat⁷⁾, in inscriptione hac Tegeae inventa memoratur: „Δὲ Μελυίφ

¹⁾ Pausan. VIII. 12, 1. — cf. Preller myth. Graec. I² p. 115. — Aliam coniecturam protulit Welcker („Götterl.“ II. p. 486), cuius verba haec sunt: „Möglich, dass das Hieron des Zeus Charmon in Mantinea euphemistisch den Pluton anging.“ Alio autem loco Welcker (II. p. 196 n. 23) Iovem Charmonem cum Bocotorum Iove Ἐπικαρίῳ composuit et illo Plutarcheo „Χαριδότης“ cognomine (Plut. moral. p. 1048 C.) vocem Χάρμωνος declarari posse opinatur. — ²⁾ Paus. VIII. 26, 6.

³⁾ Eam vocem apud scriptores Latinos non occurrere non mirum est. Sed qui vocem Ἀεχέου latine vertere volet, aliter non poterit.

⁴⁾ Paus. VIII. 37, 1. — cf. Lauer „Syst. d. Myth.“ p. 211.

⁵⁾ Herculem enim tripoda Apollinis rapientem, Panes Nymphasque, Polybium Lycortae f. reliquae illae imagines ostendunt.

⁶⁾ Pausan. VIII. 48, 6. — Etiam Overbeckius („gr. Kunstmyth.“ II. p. 19) eam statuam sero confectam esse arbitratur.

⁷⁾ cf. Preller „gr. Myth.“ I. p. 112. Welcker „Götterl.“ I. 207. II. 201. Lauer I. 1. 201. 210. 212.

Μύκολος ἀνέδωκε¹⁾“. Uterque enim Iuppiter, et Τέλειος et Μελίχιος extra fines Arcadiae occurrunt²⁾, sed vetustissimis Arcadibus notos eos fuisse nulla re indicatur.

Sed haec haecenus. Paucis autem ut comprehendam, quae de Iove Arcadico exploravimus, id constare puto fuisse antiquissimis temporibus unum deum Arcadum, Iovem caelestem, et benignum et infestum, qui sub Lycaci nomine adorabatur. Postea vero cum discerni coeptum esset inter deum propitium deumque malignum huic nomen Lycaci mansit, ille Ἀρισταῖος appellabatur. Cuius cultus olim fortasse longe divulgatus inferiore aevo duobus tantum locis superfuisse videtur³⁾. Ceteros autem, quorum mentio exstat, Ioves Arcadicos omnes fere ea, quae grassabatur, deorum confusione posterioribus temporibus ortos esse verisimillimum est; solus Iuppiter Κλάριος aliquantum cum Lycaco Iove videtur cohaerere.

¹⁾ Le Bas et Waddington — voyage archéol. part. II. sect. VI. No. 337. Waddington recte adnotavit: „Le culte de Zeus Melichios à Tégée n'est connu que par cette inscription.“ —

²⁾ cf. Welcker I. 1. I. 207. II. 183. 201. 205. ³⁾ cf. supra p. 19 sq.

De Pane Arcadico.

Panem, pastorum illum patronum, pascuorum et saltuum deum, ex omnibus Graecorum dis praecipue Arcadicum fuisse nemo est, qui nesciat. Atque iam Simonides¹⁾ eum esse deum Arcadicum cecinit et Pindarus²⁾ et scolion quoddam Atheniense³⁾ Panem praedicant regem Arcadiae, cui terrae etiam cognomen erat Παντα⁴⁾. Quod Pausanias⁵⁾ comprobat, qui Panem in Arcadia natum et in potentissimorum deorum numero ducendum esse scripsit, nec non Dionysius Halicarnassensis⁶⁾ Panem antiquissimum deum esse maximeque honoratum ab Arcadibus tradidit⁷⁾.

Imprimis autem poetae posteriorum temporum, praeceteris auctor hymni Homericum in Panem, Theocritus, Vergilius, Ovidius, deum Arcadium celebrant et non solum unum Panem exhibent, sed totam Arcadiam Panibus replent quasi et reficiunt⁸⁾.

Quapropter summo opere miramur Pausaniam, studiosissimum rerum divinarum investigatorem, nullam fere tradidisse fabulam, qua Panis natura antiquissima eiusque religio illustraretur eundemque per Arcadiam proficiscentem pauca admodum templa vel sacella et simulaera dei vidisse, quorum pars quidem certe senioribus temporibus condita est. Immo vero Periegetae narratione ad opinionem fere adducimur in ipsa Arcadia vel „Paniam“ Panis religionem ab hominibus valde esse neglectam.

Qua in difficultate, cum quaeratur, unde religio illa orta et quibus locis Panis sacra facta sint, quin omnes poetarum posteriorum fabulae summa cautione adhibendae vel plane reiiciendae

¹⁾ Simonidis fragm. 133. ap. Bergk. p. I. Gr. III³ p. 1163.

²⁾ Pind. fragm. 72 ed. Bergk (63. ed. Boeckh.).

³⁾ Scol. V. — Bergk p. I. Gr. III. p. 1288. (ed. III.)

⁴⁾ Steph. Byz. s. v. *Ἀρκάδια*.

⁵⁾ VIII. 26, 2; 37, 11. — cf. Serv. ad Verg. Georg. I. v. 16 G.

⁶⁾ Antiquitat. Rom. I. I. c. 32.

⁷⁾ cf. Welcker „gr. Götterl.“ I. p. 451 sqq.

⁸⁾ cf. Welcker I. I. II. 663. — „Panes“ apud Theocrit. idyll. III. 63; Propert. III. 16, 34 (ed. Luc. Müller); „Panisci“ ap. Cic. de nat. deor. III. 17, 43.

sint dubitari non posse censeo. Quod ni fecerimus, vix nobis continget, ut genuinam Arcadum superstitionem enucleemus. Nam posterioribus temporibus et poetae Graeci nugis delectati¹⁾ Panis religionem cum aliorum deorum, imprimis Bacchi²⁾, religionibus commiscere coeperunt et Romani superstitionem Fauni Italici ad Panem Arcadicum deferentes et cum eo confundentes antiquam Arcadum religionem sensim plane obscuraverunt, ne dicam de iis scriptoribus, qui Panem universi deum praedicabant³⁾.

Quodsi hac in re a Prelleri sententia recedendum est, qui hymnum Homericum XVIII. secutus sermonis gratia mentes legentium capit⁴⁾, contra Welckeri gravissima auctoritate uti licet de Panis pristina religione ita disserentis⁵⁾: „Was wir von dem Pan der auf ihren Bergen abgeschlossenen Arkader lesen und in Bildwerken sehen, gehört alles einer späteren Zeit an und drängt sich dabei in seiner niedrigen Art so massenhaft vor, dass es schwer wird, das uralte Ursprüngliche, das davon so fern abliegt und damit durch so wenige Verbindungsfäden zusammenhängt, sich frei und unbefangen vorzustellen. Nur als spät in Athen eingewanderten Fremdling lernen wir diesen Gott genauer kennen und das grelle Bild des Pan in späterer Religion und Poesie muss von der dunkleren und nur zu erschliessenden Vorstellung des grossen Naturgottes eines Hirtenvolkes scharf unterschieden werden.“ . . . —

Itaque si examinamus quae de Panis Arcadici religione, de templis et imaginibus Pausanias prodidit, primum duo occurrunt dei simulaera, quae certe seriore tempore confecta ad prisca superstitionem cognoscendam nihil omnino valent. Erat enim

¹⁾ cf. Welcker I. I. II. 660: „Pan ist uns besonders durch die attischen und die von ihnen meist abhängigen Dichter bekannt, welche selten mit Ernst den Gott auffassten“ . . . —

cf. W. Gebhard „Beitrag zur Geschichte des Pancultes“ in progr. gymn. Brunsvig. 1872. — p. 3: „Wenn wir die Menge der Erwähnungen mit einander vergleichen, so finden wir eine stetige Zunahme für die spätere Zeit.“ „Dieselbe Erscheinung finden wir in den Denkmälern.“ . . .

²⁾ cf. Lauer „Syst. d. Myth.“ p. 240: „... Pan Gefährte des Dionysos.“ . . . — Welcker I. I. II. 663.

³⁾ Apollodorus ap. Serv. ad Verg. Georg. I. v. 16 G. — De „Magni Panis“ morte cf. Plut. de oraculor. defect. p. 419. — cf. Lauer I. I. 240. Welcker I. I. 669 sq. — ⁴⁾ Preller „gr. Myth.“ I² p. 581 sqq.

⁵⁾ „Götterl.“ I. p. 451 sq.

cetypa imago in ara templi Magnarum Dearum Megalopoli, quae Panem tibia canentem, cum Apollino Citharoedo Horisque coniunctum ostendebat¹⁾. Altera autem imago Panes Nymphasque exhibens post Polybii demum tempora Aeacesii confecta est²⁾.

Deinde memorantur templa et simulaera, de quibus hoc unum constat in montibus vel collibus pleraque fuisse condita. Velut prope viam Tegea Argos ducentem in monte Parthenio Panis sacellum erat eo loco, ubi Philippides vel Phidippides Atheniensis deum conspexisse ferebatur³⁾. Eiusdem dei sacellum cum quereu sacra situm erat iuxta viam Tegea Thyream ducentem⁴⁾. Praeterea in Maenalorum finibus inter ruinas urbis „Παραθέων“ templum Panis memoratur⁵⁾ et „in iugis Maenaliis Hughes (itin. T. I. p. 188) Hallerum notat elegans vidisse Panem, cui praeis litteris inscriptum (esset) Πανός“⁶⁾.

Porro Panis sacri dicebantur Lampia mons⁷⁾, montes Maenali, ubi tibiae dei sonum audire putabant⁸⁾, montes Nomii in confinio Messeniae et Arcadiae siti, in quibus ille syringa invenisse ferebatur⁹⁾, Parthenius in confinio Arcadiae et Argolidis situs, sacris eius testudinibus celeber¹⁰⁾. Et deus per eos montes vagari credebatur atque ita aliquando Cereris lugentis et propter raptam filiam irascentis refugium in Elaio monte reperisse narrabatur¹¹⁾. Denique hoc loco memoranda est Panis statua aenea cubitalis collocata in curia Megalopolitana, quae antea in colle „Scoleita“ locum obtinuerat¹²⁾.

1) Paus. VIII. 31, 3. Inscriptione a Pausania laudata: „εἶναι σφᾶς θεῶν τῶν πρώτων“ (quam vocem Schubartius ex πατρώων corruptam esse opinatus est [cf. eius versionem German.]) imagini illi maior auctoritas non tribuitur. Nam ex Pausaniae verbis cognosci nequit, illinc πρώτοι vel πατῶοι θεοὶ sint Pan et Apollo, an Ceres et Proserpina. Verisimilius inscriptio ad Magnas Deas referenda videtur; si minus praeter Apollinem et Panem etiam ad Horas spectaret.

2) Pausan. VIII. 37, 2. — cf. supra p. 23. n. 5.

3) Paus. VIII. 54, 6. — cf. Paus. I. 28, 4. Herod. VI. 105.

4) Paus. VIII. 54, 4. 5) id. VIII. 36, 7.

6) Boeckh C. I. G. No. 1540. 7) Paus. VIII. 24, 4.

8) id. VIII. 36, 8. — cf. Theocrit. idyll. I. v. 124. cf. E. Curt. „Pelop.“ I. 312.

9) Paus. VIII. 38, 11. — Panem Arcadicum tibiae inventorem putatum esse non mirum est, quoniam per omnem fere Arcadium pastorum tibiae fistulaeque sexcenties resonabant.

10) Paus. VIII. 54, 7. 11) id. VIII. 42, 3. 12) id. VIII. 30, 7.

Multo autem maioris auctoritatis haec sunt: Horaeenses templum extruxerant Pani, quem deum honorabant „ἄτε τοῖς Ἀρχαῖον ἐπιχώριον“¹⁾. Deinde prope Lycosuram, quam urbem omnium antiquissimam putabant²⁾, Panis templum et statua et porticus erat³⁾. Cui quidem deo, qui potentissimus vota precesque hominum exaudire, impios secleratosque meritis poenis afficere credebatur, ignis perpetuus ardebat. Quin praeis temporibus etiam oracula deus edidisse tradebatur per Erato nympham, Arcadis amatam, et vel Pausaniae temporibus carmina Eratus ostendebantur, quae Periegeta ipse se legisse dicit⁴⁾. — Denique haud procul a Lycosura in montibus Nomiis sacellum erat Panis Νομίσο⁵⁾.

Omnium vero maxime memorabilia ea loca sunt, quibus Pan cum Iove Lycaeo coniunctus colebatur. In monte enim Lycaeo Panis quoque templum erat et lucus eius sacer iuxta stadium et hippodromum, in quo ludi Lycaei agebantur⁶⁾. Similique modo intra Iovis Lycaei fanum Megalopolitanum, quo montis Lycaei antiquissimum delubrum imitati erant⁷⁾, statua Panis marmorea erat⁸⁾. Postremo memorandae sunt arae et templa Iovis Lycaei et Panis in via, quae Tegea in Laconiam ducit⁹⁾.

Itaque iis ipsis locis, quibus antiquissimae Iovis Lycaei religionis vestigia manserunt, Pan, rusticus ille et agrestis deus posterioris aevi, cum deo Arcadum celeberrimo artissime coniunctus occurrit.

Quae quidem eorum coniunctio et societas admirationem movet eoque magis digna videtur, a qua disputatio nostra proficiscatur, quod Panis ne nomen quidem Homerus novit et Herodotus¹⁰⁾ cum cum Baccho et Hercule inter recentissimos Graecorum deos reposuit.

1) Paus. VIII. 26, 2. 2) id. VIII. 38, 1. cf. ibid. 2, 1.

3) „Διὰ κλίμακος“ ad id templum ascendebant. Itaque etiam hic Panis sacrum in alto editoque loco conditum erat.

4) Paus. VIII. 37, 11. 12. 5) Paus. VIII. 38, 11.

6) Paus. VIII. 38, 5. 7) cf. supra p. 11.

8) Paus. VIII. 30, 3. Huic Pani cognomen erat „Οἰνός.“ cf. infr. p. 36.

9) Paus. VIII. 53, 11.

10) Herod. II. c. 145. cf. ibid. 146: „ὅτλα ἂν μοι γέγονε, ὅτι ὕστερον ἐνόθοντο οἱ Ἕλληνες τούτων τὰ ὀνόματα ἢ τὰ τῶν ἄλλων θεῶν.“ — cf. Gebhard „Beitrag zur Geschichte des Panulces“ p. 3.

Sed quamvis antiquis de Iovis Lycaei et Panis necessitudine scriptorum testimoniis careamus, probabilissima, si quid video, coniectura, quid de ea re statuendum sit, possumus assequi. Omnes enim difficultates solvuntur exoptataque fabulis Arcadicis lux affertur, si Panem principio ex Iove Aristaco oriundum esse statuimus.

Atque primum quidem Panem esse veterem lucis deum viri docti consentiunt¹⁾, et quamquam posteris ea Panis origo et natura oblivione obruta videtur, tamen apertissimis vestigiis ea opinio firmatur. Pausanias enim tradidit²⁾ Sieyone prope Iunonis fanum se vidisse duas aras alteram Panis, alteram Solis³⁾.

Etiam multae, quae de Pane deo narrabantur fabulae deum lucis arguunt; ut quod Cererem occultam reppererit Iovique indicaverit⁴⁾, quod Lunam amaverit⁵⁾, quod montes in deliciis habuerit⁶⁾. Maxime vero ea coniectura fuleitur eo, quod Lycosurae igni perenni deum honorabant⁷⁾, sicuti Olympiae per dies noctesque Panis flamma alebatur⁸⁾. Qui quidem ignis in Panis religione ita necessarius videbatur, ut Athenienses, cum dei Arcadici cultum reciperent, pompam collucentibus facibus quotannis instituerent⁹⁾.

Quem lucis deum quam potentem Arcades duxerint, Pausanias testis est dicens eum aequae ac summum quemque deum preces hominum exaudire, impios punire, aliquando etiam oracula edidisse¹⁰⁾.

¹⁾ Lauer I. I. 236 sq. Welcker I. I. I. 455: „Doeh verräth sich dieser Helios-Pan nach seiner frühzeitig an den meisten Orten vergessenen Urbedeutung in mancherlei Zügen und Umständen“ ... „In Arkadien ist wegen Pans weder Helios merklich, noch die Verehrung des Apollon alt, noch häufig.“ .. (cf. quae supra exposui p. 20.) — Preller „gr. Myth.“ I. p. 583. —

²⁾ Pausan. II. 11, 1. „... βωμὸς λίθου λευκοῦ.“

³⁾ Welcker I. I. I. 455: „... angeblich von Adrast, gewiss in sehr alter Zeit erbaut.“ ..

⁴⁾ Paus. VIII. 42, 3. — Simili modo Sol putabatur Cereri dixisse Proserpinam filiam a Plutone raptam esse cf. hym. Homer. in Cererem vv. 59—87.

⁵⁾ Vergil Georg. III. v. 392. —

⁶⁾ cf. p. 32. — Fortasse etiam nomen Lampiae montis Panis sacri huc referri potest. Paus. VIII. 24, 4.

⁷⁾ Paus. VIII. 37, 11. ⁸⁾ id. V. 15, 9.

⁹⁾ Herod. VI. 105. Paus. I. 28, 4. Phot. s. v. λαμπάς.

¹⁰⁾ Paus. VIII. 37, 11. — Apollodorus (I. 4, 1, 3) ipsum Apollinem artem vaticinandi a Pane, Iovis f., didicisse tradidit.

Semper autem Pan mitem, benignum, munificum deum se praebet, ut omnino simillimus videatur Iovis Aristaei, qualem cum fuisse ex exiguis, quae exstant, vestigiis supra¹⁾ demonstravimus. „Νόμιος“ autem et „Άγρεός“ uterque deus, et Pan et Aristaeus appellabatur²⁾; neque absonum est, quod Panis etiam „μελισσοσόου“ cognomen tributum sit³⁾. Cui enim, qui legerit, in mentem non veniet locus ille Servii⁴⁾: „Nam apud Arcadas (Aristaeus) pro Iove colitur, quod primus ostenderit, qualiter apes debeant reparari⁵⁾“?

Quae cum ita sint, Pan ille Iovi Lycaeo haud impar dignitate suo iure deus „τοῖς Ἀρχαῖς ἐπιχώριος“⁶⁾ nominabatur; itaque iam non miramur neque in monte Lycaeo⁷⁾ neque in Gareatarum pago Tegeatico⁸⁾ simulaerum Panis fuisse, cum antiquissimum Panem i. e. Iovem Ἀριστᾶν item ac Λυκαῖον sine imagine cultum esse consentaneum videatur⁹⁾. Quod autem Megalopoli in Iovis Lycaei fano Panis statua marmorea erat, non est, in quo offendamus, vel ab opinione prolata recedamus.

Variae deinde narrationes, quae de Panis origine a genealogis traduntur, ad unam omnes Panem artissime cohaerere cum numinibus lucis demonstrant, quamvis inter se differant.

¹⁾ p. 17 sq. — cf. quae Welckerus de Aristaeo disseruit („Götterl.“ I. p. 487—491).

²⁾ Pan „Νόμιος“ — Paus. VIII. 38, 11. Hymn. Hom. in Panem v. 5.

Pan Ἄγρεός — cf. Hesych s. v.; hymn. II. v. 12—15. — Aristaeus Νόμιος et Ἄγρεός — Pind. Pyth. VIII. v. 64 sq. cf. Bergkii annot. ad v. 63: „Servius (ad V. Georg. I. v. 14), qui dicit Aristaeum ab Hesiodo Apollinem Nomium appellatum esse, haud dubie non satis diligenter interpretatur locum Hesiodi, qui videtur simpliciter Νόμιον appellavisse.“ — Schol. ad Apoll. Rhod. argon. II. v. 498. — cf. Welcker „Götterl.“ I. 490: „Aristaeus ist ebenso sehr Agreus als Nomios.“ — Lauer I. I. p. 237 sq. — Preller I. I. I. 582. 584.

³⁾ Antholog. Gr. (ed. Fr. Jakobs) tom. II. p. 76. (ἐπιδικτικὰ τριγὰ. — part. VIII. n. 226):

... „πάντα περικνίξασθε καὶ ἄγρεα κηρώσασθε
„ὄφρα μελισσοσόος Πάν ἐπικνηψέμιος
„γεύσεται“ ...

⁴⁾ Serv. ad V. Georg. I. v. 14.

⁵⁾ cf. Justin. hist. Phil. XIII. c. 7: „Aristaeum in Arcadia late regnasse eumque primum et apium et mellis usum et lactis ad coagula hominibus tradidisse.“ —

⁶⁾ Paus. VIII. 26, 2. ⁷⁾ ibid. 38, 5. ⁸⁾ ibid. 53, 11.

⁹⁾ cf. W. Gebhard I. I. p. 3. 4.

Scholiasta enim ad Euripidis Rhesum v. 36¹⁾ alios Panem Apollinis et Penelopes²⁾, alios Penelopes aut Callistus et Iovis, alios Mercurii et Orsinoes nymphae filium dixisse tradidit; Ariaethum autem Tegeaten scripsisse Aethera ex Oenoë nymphae Panem genuisse. Aristippus vero Panem Iovis et Oenoëdis nymphae filium appellavit³⁾. Quo etiam referendum est Panis cognomen „Οἰνός“, quod ab Oenoë nutrice accepisse fertur⁴⁾; eandem vero Oenoë Iovis fuisse nutricem alio loco didicimus⁵⁾. Epimenides⁶⁾ deinde Panem et Areadem geminos fuisse cecinit ex Iove et Callisto⁷⁾; Euripides⁸⁾ Saturni filium, Iovis igitur fratrem, Panem esse putavit. Denique etiam Urani et Telluris filius Pan perhibetur⁹⁾, ita ut genealogia quoque aliquantum afferat ad fulcienda ea, quae de Panis ex Aristaco origine disserui, cum iidem utrique parentes tribuantur¹⁰⁾. Quodsi porro Pani deo „Διόπαν“ nomen inditur¹¹⁾, ea ipsa re significari puto cum non solum simili esse natura, sed etiam Iovis aequalem et parem. „Διόπαν“ enim vox eodem modo formata est ac „Ζηνος“

¹⁾ cf. C. Müller fragm. hist. Gr. tom. III. p. 319 (Ariaethi Tegeatae frag. V.). Mülleri coniecturam comprobo pro „καὶ δύο παῖδας γενομένους“ legentis „καὶ διὸς παῖδας γενομένους“.

²⁾ cf. Serv. ad V. Georg. I. v. 16. — Penelope nymphea est Areadica nec cum Ulixis uxore confundenda (cf. Preller „gr. Myth.“ I². p. 586). Veri est simillimum Penelopen inter Dianae comites vel satellites esse ducendam.

³⁾ cf. Müller fragm. hist. Gr. III. p. 327. (Schol. ad Theocrit. I. v. 3.)

⁴⁾ Pausan. VIII. 30, 3.

⁵⁾ id. VIII. 47, 3.

⁶⁾ Schol. Vatic. ad Eurip. Rhes. v. 36. — Teste igitur Epimenide gemini fuerunt Areadum di Pan et Areas, quales Lacedaemoniorum Castor et Pollux, Messeniorum Idas et Lynceus, Thebanorum Amphion et Zethus. — Areadem inter numina lucis ducendum esse, cum pluribus verbis exponi non opus sit, hoc tantum moneatur eundem cum esse atque Endymionem, si quidem scholio ad Apollonii Rhod. argonaut. III. v. 264 fides habenda est; ubi legitur „Ἀρκὰς γὰρ ὁ Ἐνδύμιον.“

⁷⁾ Callisto nympham primo eandem fuisse, quam Dianam *Καλλιστην*, iam dudum inter viros doctos convenit. cf. Lauer l. I. p. 294 sq. — Welcker „Götterl.“ I. 580 sq. III. 123. — Preller I². p. 233.

⁸⁾ Eurip. Rhes. v. 36.

⁹⁾ Schol. Theocrit. I. v. 123.

¹⁰⁾ Schol. Apollon. Rh. II. v. 498. — cf. supra p. 17. — Ceterum de Panis parentibus, qui dicuntur, cf. Lauer l. I. p. 233 sq. Welcker l. I. II. 658 sq. Preller l. I. I. 586 sq.

¹¹⁾ C. I. Gr. no. 4538.

ποσειδῶν,“ praeter quae nomina nullum, quod sciam, aliud reperitur, quo similis indicetur dei cum Iove societas. Quam quidem artissimam necessitudinem scholion Ioannis Diaconi ad Hesiodi theog. v. 381. (p. 473) his verbis indicat: „καὶ Ὀρφεὺς τὸν ἥλιον Ζῆνα προσαγορεύει καὶ Πάνα¹⁾.“

Optime vero coniectura mea recepta nummorum Arcadicorum imagines intelleguntur, quas Ernestus Curtius docta disputatione illustravit²⁾.

Tria enim Curtius affert nummorum Arcadicorum genera³⁾, quorum primum Pana ostendit in declivi cubantem monte Lycaeo⁴⁾. Iovis autem Lycaei ipsius imagine in nummis signandis uti non potuerunt, quia etiam ultimis antiquitatis Graecae temporibus deus ille sine imagine cultus esse videtur. Itaque, ut monetam indicarent⁵⁾, Panis simulacrum adhibuerunt, qui cum Iove Lycaeo artissimo vinculo erat coniunctus.

Secundum genus nummorum in uno latere praebet caput Iovis, in altero Pan conspicitur aquilam dimittens⁶⁾. Qui quidem Pan non simplex ille gregum et pastorum deus est, quem posteri honorabant; nam difficile est intellectu, quid sacra Iovis avis in dei, qui vulgo putatur, inferioris ordinis potestate sit. Suo autem iure ea potestate utitur is deus, qui primo idem erat ac Iuppiter, eadem natura, eadem auctoritate praeditus.

Tertio generi Curtius adnumeravit nummum Arcadicum, in cuius altero latere cernitur caput muliebre („crispatis erinibus“) Dianae Arcadicae, in altero Pan „peplo involutus, pedo incumbens, dextra aquilam“ tenens⁷⁾. „Hier ist es also Pan, Curtius inquit, welcher der arkadischen Göttin gegenüber die altpelasgischen Götterdienste am Lykaion vertritt; er ist der Stellver-“

¹⁾ cf. Lobeck „Aglaopham.“ I. p. 155.

²⁾ E. Curt. „einige Bemerkungen über arkad. Münzen“ in Pinderi et Friedlaenderi „Beiträge cet.“ Berolini 1851. tom. I. pag. 85—92.

³⁾ l. I. p. 90. cf. supra p. 10. n. 5.

⁴⁾ cf. Overbeck „griech. Kunstmyth.“ tom. II. p. 93. In altero latere Iovis Olympii caput cernitur. cf. ibid. tabulam nummor. I. no. 30. —

⁵⁾ In aerario Lycaeo nummos illos esse signatos E. Curtius docuit. cf. commentat. „über den religiösen Character der griech. Münzen“ in nuntiis menstr. acad. reg. litt. Berol. 1869 p. 472.

⁶⁾ cf. Overbeck l. I. p. 93. —

⁷⁾ de Prokesch in actis acad. reg. Berolin. 1845. — cf. E. Curt. l. I. p. 87.

treter des höchsten Zeus, dessen Adler zu entsenden auch er die Macht hat.“ —

Quapropter nunc Curtio adstipulamur alteram in monte Lycaeo columnam ad Pana referendam esse dicenti, si quidem Pan idem fuit deus, qui Iuppiter Ἀρισταῖος.

Quomodo autem fieri potuerit, ut Iuppiter Lycaeus omnibus temporibus coleretur, Iovis Aristaei religio in oblivionem veniret, in eiusque locum Pan succederet, si quis quaerat, haec fere respondenda sunt. Ut solent ii di, qui inimici atque infensi esse generi humano putantur, anxia diligentique religione coli, ne ulciscantur iniuriam, ita etiam Iovis Lycaeī sacra neglegere Arcades ausi non sunt, ne eius iram moverent. At benignum deum, qui hominibus favebat iisque bona largissime tribuebat, impavido bilarique animo priscae incolae colebant nec iocos agere cum eo, neque ad sales eum transferre reformidabant. Itaque ille paullatim ex deorum superiorum numero ad deum pastorem delapsus est¹⁾ neque aliud pristinae eius naturae remansit testimonium, nisi quod, ut olim Aristaeus, sic postea Pan cum Iove Lycaeo ut gemellus consuetudine magis quam meditatione coniungebatur²⁾.

Itaque etiam vetus Aristaei nomen sensim plane obliterari potuit, cum et pastores ipsi et alii Arcades brevi illum pastorem tantum deum rati ipsum „pascentem“ significarent³⁾. Equidem enim non dubito, quin viri docti Panis nomen recte derivaverint de radice sanscritica „pā“ [= tueri, sustentare, alere. cf. पालय, पालयामि, पालय, pasco, pabulum, cet.]⁴⁾. —

¹⁾ Non mirum est, quod pastores deum suum omnibus illis insignibus instruxerunt, quae in talibus dis agrestibus occurrere solent, scilicet cornibus et pedibus caprinis, pelle hirsuta, similibus.

²⁾ cf. Welcker „Götterl.“ I. p. 455: „Erweislich ist, dass der Natureult überhaupt, namentlich der Sonnendienst oft ganz in Vergessenheit gerathen ist und in verschiedenen Lebenskreisen neue und fremde Bedeutung und Gestalt angenommen hat. Nachdem aber in Arkadien die Götter anderer Stämme eindringen und in den Städten sich fortbildeten, musste der grösstentheils in den Hirtenstand auf den Bergen zurückgedrängte Panscult verkümmern und verwildern und Pan den Berghirten immer ähnlicher werden.“

³⁾ Welckeri etymologiam („Götterl.“ I. 454) nemo nunc, ut puto, amplectitur.

⁴⁾ Preller „gr. Myth.“ I². p. 581. n. 4. cf. eiusd. „röm. Myth.“ p. 365. n. 3.

Auctor de vita sua.

Paulus Florianus Welzel natus sum in vico Langenbrück, prope urbem Neustadt s/S. sito, anno h. s. LII. die III. m. Maii, patre Guilermo, matre Antonia e gente Elpel, quos adhuc vivos gratissimo veneror animo. Prima elementa domi in ludo litterario didici, cui pater meus praeest. Fidei addictus catholicae anno aetatis XII. gymnasium Vratislaviense ad aedem St. Matthiae situm, tum Augusto Wissowa, nunc Josepho Reisacker rectore florens, frequentare coepi. Gratias debeo quam maximas Expedito Baumgart et Antonio Goerlitz vv. dd. mihi litterisque praematura morte ereptis, qui horum studiorum amorem mihi excitaverunt, nec minores viris dd. Reisacker, Dittrich, Maiwald, Schneek. — Novem annis ibi peractis testimonium maturitatis rite adeptus autumno a. h. s. LXXII. hanc almam adii matrem Viadrinam studiis operam navaturus philologicis. Scholis maxime interfui philologicis virorum ill. Foerster, Hertz, Reifferscheid, Rossbach, historicis et geographicis vv. ill. Neumann, Partsch, philosophis vv. ill. Dilthey, Weber; praeter quos audi viros ill. Elvenich, Alw. Schultz, Stenzler, Weinhold. — Exercitationibus interfui archaeologicis, philologicis, philosophis, quas moderabantur vv. ill. Rossbach, Foerster, Dilthey; inter seminarii reg. histor. sodales me recepit v. ill. Neumann.

At hic non omittam Mauricium Brosig, v. ill., cuius scholis de arte organo canendi vix sperata mihi praebebatur copia artis musicae colendae exercendaeque, quam inde a pueris studio atque amore amplexus eram. —

Quadriennio peracto per quater paene sex menses praeceptoris domestici munere functus, deinde per totum fere proximum annum valetudine ita impeditus sum, ut ineunte demum aestate huius anni ad studia intermissa reverti mihi liceret. —

Praeceptoribus omnibus, studiorum meorum fautoribus, imprimis Riccardo Foerster, Carolo Neumann, Augusto Rossbach gratias habeo quam maximas semperque habebo. —

Sententiae controversae.

- I. Strab. l. VIII. c. 8. p. 388: „τιμᾶται δ' ἐπὶ μικρὸν καὶ τοῦ Λυκαίου Διὸς ἱερὸν κατὰ τὸ Λύκαιον ὄρος.“ Pro „ἐπὶ μικρὸν“ scribendum est „ἐπὶ μακρόν.“
- II. Pausan. VIII. 43, 2 pro „Θύβριδι“ scribendum est „Τιβέριδι.“
- III. Apud Serv. ad Verg. Aen. lib. III. v. 473 lego: „Alii dicunt, quia (codd. mss. qui) cum . . . exiret . . .“
- III. Pausan. VII. 24, 2. Verba „Ὁμαγύριος δὲ ἐγένετο . . . usque ad „καὶ ἔσαι περίοικοι πόλεις ἦσαν“ — pro glosse mate duco.
- V. Orphei, quae vulgo dicuntur Argonaut. v. 18. sic legendum esse censeo:
„Γηγενέων, οἳ λυγρὸν ἀπ' Οὐρανοῦ ἐστάζοντο.“
- VI. Pericles Atheniensium reipublicae saluti non fuit.
-